

〔清〕夏鼎 著

幼  
科  
鐵  
鏡

中國醫學大成續集

## 幼科鐵鏡提要

清·夏鼎著。鼎字禹鑄。貴池卓溪人。其上卷。列九恨、十三不可學、十傳。治病不可開門殺賊。不可開門揖盜。湯方內更換藥味說。實驗推拿各法。卓溪真傳口訣。推拿代藥歌。辨臍風及各胎病。開諸驚之謬。闡明發驚之由。兼詳治驚之法。辨驚有痰盛風盛熱盛之別。辨癩證、辨慢脾證、瘥病。其下卷、列其他各雜證。從實驗中辨明俗醫治病之誤。如九恨之恨挑筋割肉。不辨病在何處。動手便挑。又恨一見有痰。動用牛黃竹瀝貝母。為除痰要藥。不知痰有寒熱。熱痰見此。真似滾湯潑雪。寒痰見此。竟是雪上加霜。豈可概授。又恨俗醫退熱必用柴胡。不知寒熱有表裏之殊。柴胡專屬解表之味。若脾虛腎虛。氣血兩虛諸燒熱。亦用柴胡。豈不愼事。

等云。皆足爲俗醫耆頭棒喝。凡爲兒科醫者。豈可不一讀是書。

貴池夏禹鑄先生手著

幼科錢鏡

藜照書屋梓行

## 幼科鐵鏡序

自太極判而陰陽分。天地之間。有正氣卽有邪氣。正氣長則邪氣消。正氣衰則邪氣旺。消長衰旺之間。天地不能自主。而至人調變之功出焉。人身一小天地也。方嬰兒在胎時。元氣渾淪耳。關節臟腑自然而成耳。一離母腹。卽納外氣。寒暑燥濕。感而疾生。或生於陰。或生於陽。陽受則入六腑。陰受則入五臟。而嬰

兒元氣漸損焉。若非保傅之力。藥石之功。幾何而不致漸滅耶。故古之至人。卽以調燮天地者。通其理於人身。自神農氏而後。學者大小不一。要不離乎扶正祛邪者。近是然。則醫之爲道。豈渺小哉。夏子禹鑄。爲秋浦儒家世族。早登賢書。予於簿書之暇。每諮而訪焉。冲夷粹穆。有仁者風。間出其所著幼科錢鏡。予披閱一過。乃掩卷歎曰。信哉仁人之言。其利

溥哉。是集也。其學問邃。其理湛深。而於人身之中。靡不洞燭。勿使有所壅閉湫底。正者扶之。邪者祛之。瞭然不差毫髮。雖古和緩諸人。何以加茲。况以吾儒而兼術若是。揆之和緩。古今人同不同。未可知也。昔范文正公爲布衣時。就相士卜曰。不得爲相。願爲醫。始爲是坎。夫立德立言立功。古人稱三不朽。夏子之道德文章。固足標幟。而是集得於家學淵源。

以公於世。功曷有量。三不朽蓋兼之矣。

皆

康熙乙亥端月遼陽梁國標正夫氏題於貴

池官署





跋

卓溪先生爲吾儒碩望。而世研保嬰之術。先生推其  
仁愛之理於斯道。愈請精微。故襁負臂挈。以造其  
庭。先生或爲撫摩。或投藥石。霍然而起者。日難數  
計。復慮宇宙之不廣。能遍及。著爲成書。鋟以行遠。  
壬午歲。先生送兩公。郎赴試。秋闈。枉顧余於江上。  
之浣林。手出是編。讀其九憾。十三不可學。十傳圖  
說諸篇。靡不條分縷晰。較夫青囊金匱之書。又有

足多者是宜與青囊金匱同驅并駕者矣因江舟  
之便亟請其版來而俾之印工印茲多本永廣其  
傳云

味冰王瞰識

跋

余與卓溪夏先生未締姻誼之先。只聞幼科之妙。然未得其所。所以妙。及已酉。同應秋試。共朝夕。雖數月餘。僅聆其大槩。亦未悉得其所。所以妙。承不忘車笠。得與菊江馮長源暨諸同志共親斯道之教焉。嘗以所得指示之。精微攻嬰兒之病患。未有不發蒙振落之易者。今先生以兩代經驗之精神。著爲一書。公諸海內。余輩於中。無有贊一辭焉者。能不愧與。幸皆攜

訣歸來。何敢忘所自出。因敬爲之跋。

眷弟穿山方 任紹文氏

門人菊邑馮 瀛長源氏

蘭水葉一隆與伯氏  
何文垣斗維氏

桐城張 澹文山氏

郡城王 汲三氏

豐泉姪壻陳之仰觀文氏

羅邨子壻方泰來平階氏頓首跋

## 幼科鐵鏡凡例

凡治嬰兒病不望顏色不審苗竅故病不應藥是書惟以望  
顏色審苗竅六字爲大主腦

凡症俱有顏色可望苗竅可審獨驚癇瘵三症顏色苗竅俱  
非本來無處拿捏是書洞決死生俱屬先君從百千嬰兒  
中偵探出來的辨明形狀俱屬先君從百千嬰兒中體認  
出來的治法藥味俱屬先君從百千嬰兒中嘗試出來的  
故是書於此三症則冠以初明有曰

凡前輩圖繪各穴俱任意裁插鮮不差謬是書圖穴由兩代

老索毫不舛錯。

凡症所載推拿者俱屬必效。不准者如老漢扳繪猿猴摘果之類。盡行刪汰。

凡症推三關。必須少推。臍上以應之。推六腑。必須少推三關以應之。防補瀉太過。

凡症屬載明燈火艾灸。俱起死回生秘法。

凡症下無湯散名。只有藥味者。俱卓溪自立方。歷驗始載。

凡有夏禹鑄日。其中多出已見發明至理。亦從治效過立說。凡症立說引喻。俱屬疑團。不譬不明。

凡症後間附效案。係症有疑難。傳以較核。

凡症初起不用丸散。因五臟病有輕重。臨症用劑。必有加減。如丸散藥味分兩已定。倘內有一二味與症不宜者。抽不出來。模糊投入。反生別病。予於暫症。必不肯用。若用丸散。殊是症屬一家。

凡口訣有古人舊訣。有卓溪新訣。新訣上註卓溪二字。

凡字句用夾圈者。是大主腦。用尖圈者。是認法。用單圈者。是緊要。

一執癮認法。乃卓溪生平第一着得意處。自分亦能上繩父

武出以傳世更當研究。

一。痲症大小方脈書獨不齒及。多因症屬至輕。邇來痲症爲患最重。余每臨症。只從脾肺兩臟看虛實。肺臟大腸探根苗。於中剖出治法。一劑必效。用以傳世。此乃發造物未發之秘。補先輩不足之書。

凡推拿。古人以之代藥。後人竟以推拿爲兒戲。並不知推應何經。拿應何臟。所代何藥。以致輕症加重。七症速死。予特賦出某推當某藥。某拿抵某味。使人曉得用推拿便是用藥味。藥味既不可悞投。推拿又何可亂用。



幼科鐵鏡目錄

第一卷

九憾

十三不可學

十傳

治病不可閉門殺賊說

治病不可閉門揖盜說

湯方內更換藥味說

面各穴圖

掌面水底撈月引水上天河至洪池圖

掌面運八卦大指正面脾上位次并說及退下六腑圖

手背正面推上三關揀五指節圖

側手虎口合骨穴圖

脚各穴圖

全身正面用燈火圖

全身背面肺俞各穴圖

凡死症辨

卓溪真傳口訣

樵拿代藥賦

第二卷

闡明五臟生尅以知補母瀉子

望面色審苗竅從外知內

五臟各有所司從外治內

辨臍風

以下各症未所附效案。俱屬疑難。不常見之症。如無疑難者俱不附。

辨胎寒

辨胎熱

胎毒發丹

辨胎驚胎風

胎黃

辨蒸變

辨脾實熱虛熱

辨脾濕

辨肺熱肺寒肺虛

辨心熱實熱虛熱

辨心熱極似寒

辨心熱昏迷似驚

辨燒熱

第三卷

闡諸驚名之謬

闡明發驚之由兼詳治驚之法

驚瀉死症辨

驚瀉活症辨

辨驚有痰盛風盛熱

辨熱瘧似驚風

辨瀉症

辨陽瘧似寒

辨瘧病

慢症

第四卷

痧症

辨傷風寒

辨來食傷寒

辨腹痛

辨吐

辨瀉

辨吐瀉

辨痢疾

辨瘧疾附陰虛似瘧

第五卷

辨咳嗽

痘後

辨失血

辨中暑中熱

辨夜啼

辨疳疾

赤遊丹火

淋症

便濁

大便不通

小便不通

出汗

腫脹

辨三消

膀胱氣痛

呆笑

不寐多困

龜胸

龜背

解顛顛填顛陷

乾瘦似疳

天柱骨倒

五硬

齒病口疳瘡

口重脣重齟

耳瘡

重舌木舌

鶴膝瘋

痛瘋

冷水瘋

迅雷所驚

大疱瘡

癩瘡

黃水瘡

惡核瘰癧

偏墜

莖腫痛

腎囊腫

灸霍亂

灸瘰母

灸脫肛

灸肚大青筋

灸犬傷

灸蛇傷

疥瘡惡瘡腫毒方膏

貼骨疔口掛角各疔瘡發背腦癰乳癰大人小兒同治丹

第六卷

藥性小引

諸湯方

目錄

幼科鏡鏡卷之一

貴池車溪叟夏鼎禹弟氏手著

受業弟邑庠鐸禹懸

男邑庠之肖孟然 仝泰  
郡庠之雲飛霖

九恨

一恨挑筋割肉。五臟之病。豈盡在筋。挑斷不知當那一味藥。六淫之賊。豈盡在血。血出又不知退那一經邪。這一種挑筋的。死後定在阿羅地獄。如對予說出理來。予便不憾。

一恨病見兒面。寒熱虛實茫然不知。輒曰死作活醫。藥之不效。死不在過。一藥偶中。活卽居功。死症能生。對予說出理來。予

便不恨。

一。恨見兒燒熱。並不知燒從何感。熱自何生。亂推亂拿。致兒大啼。大叫。汗出熱解。偶爾撞著。便自稱神。既自稱神。緣何有效。不效。對余說出理來。余便不恨。

一。恨不知症候。藥與病反。不日自己用藥不當。且曰兒母有失護持。對子說出理來。子便不恨。

一。恨活症屢藥不效。明醫一藥成功。不日自己不知。且曰他有時運。對子說出理來。子便不恨。

一。恨以丸散爲欺人之具。其實不值一文。且曰此丸此散。真是



無價。不論中病與否。解包投服。不愈則多方以藥本爲辭。丸散旣屬無價。投服病胡不瘳。對予說出理來。予便不恨。

一恨動用牛黃竹瀝貝母爲除痰要藥。痰有寒熱。七痰見此。真以滾湯潑雪。寒痰見此。竟是雪上加霜。不論寒熱。旣投兒服。對予說出理來。予便不恨。

一恨必用柴胡退燒。七熱有表裏之殊。柴胡耑屬解表之味。脾虛腎虛氣血兩虛諸燒。熱亦用柴胡。對予說出理來。予便不恨。

一恨用湯頭有內減外加之說。加減原在湯頭內看。臟腑之有

虛有實的藥味之宜多宜寡。間或清病之來路。塞病之去路。外加一二味。此是變通妙手。如曰內可減。外可加。則四君子加兩味便成六君子。十全大補減兩味便是八珍。對子說出理來了。便不恨。

夏禹鑄曰。余生平來。凡嫉我。欺我。負我。餌我。以及無故加我者。軌過而忘。獨於幼科庸醫而恨之。但恨之有九。何也。常見艱於嗣息者。於穹蒼。於宗祖。於名山。禱無不至。一旦舉子。慶也如何。及病付醫。輕者重之。生者死之。其歎恨也。又何如。余抱公憤人也。遂引八恨爲己恨。然恨之正所以覺之也。覺之則

睡漢驚來。轉脚便步百尺竿頭。悟到醫家三昧。方見卓溪叟  
以九恨作醒人擘頭之一棒也。

### 十三不可學

- 一。殘忍之人必不惻怛。不可學。
- 一。馳騫之人必無前戒。不可學。
- 一。愚下之人必無慧思。不可學。
- 一。治莽之人必不思未。不可學。
- 一。猶豫之人必無定見。不可學。
- 一。固執之人必不融通。不可學。

- 一。輕淨之人必多忽畧。不可學。
- 一。急遽之人心期速效。不可學。
- 一。怠緩之人必多逡巡。不可學。
- 一。宿怨之人借此報復。不可學。
- 一。自是之人必以非爲是。不可學。
- 一。慳吝之人必以此居奇。不可學。
- 一。貪婪之人必以此網利。不可學。

予以此十三種人爲不可學。非外之。以爲必不可學也。苟抱此病。先能自醫。又何不可學之有。

## 十傳

一。見啼哭無聲。前輩此作死症。以爲肺絕故也。獨予先君子。拿之無聲者。審出肺氣未絕。一藥卽生。而予亦經驗過。歷匕不爽。生死閔頭。何可秘而不傳。

一。驚風。一。傷寒。一。熱瘧。三種相似。前輩俱未能辨。悞醫悞死。不知凡幾。獨予先君辨出驚風的模樣。傷寒的光景。熱瘧的認法。透徹無遺。一經醫治。無有不生。而予亦經驗過。歷匕不爽。生死閔頭。何可秘而不傳。

一。見左手之三。閔。六。腑。大指之脾位。五指之上下。兩脚之左右。

前輩無不悞傳。獨余先君悟出至理。闢盡各處差謬。闢出部位根源。推無不效。補無不應。瀉無不神。而予亦經驗過。歷歷不爽。毫厘千里。何可秘而不傳。

一。兒臍風。前輩只知風入臍內。以致嘔口噤口。卒不知風入深淺。死生有異。予獨悟出逆尅至理。見外知內。治無不退。經驗過歷歷不爽。生死閉頭。何可秘而不傳。

一。兒慢症。前輩多作慢驚。亂推亂拿。亂拍亂火。以致汗愈亡陽。痛愈傷脾。獨予體貼慢字。不作驚治。惟補脾虛。經驗過歷歷不爽。生死閉頭。何可秘而不傳。

一。兒胃有實痰。藥解不散。惟有取法。前人取之。多有鹽築喉內。不吐出。又不回去。因不敢取。予偶見修養家作神仙大睡法。眼翻氣築時。於氣海穴。以手指曲節抵之一族。卽活。予因悟。及取痰不出。又不下者。以是法行之。果卽下。復取便出。經驗。過歷。上不爽。此因詩悟禮。觸類旁通。萬病俱可。因端起悟。何。可秘而不傳。取喚內痰。將兒中指將至尖數下。推湧泉穴。左轉不揉。以指對抵夾車穴。以耳空爬舌上。卽吐。

一。兒有驚風。痰熱虛實。表裏。前人俱用推拿。且曰。小兒肚腸脆嫩。不可服藥。獨予先君云。急驚風痰。非推拿不效。臟腑下寒。非藥味莫瘳。此予兩代因病用推用藥。經驗過歷。上而不。好。

一。兒有病。前人以四季之五行按五臟之五行。以藥味之四性。拏鼓瑟。必不相宜。何可秘而不傳。

合天時之四季。其理固是。然不知棄輕從重之妙。如當夏宜用黃連等味以瀉心。不宜用棗仁等味以補心理也。設使心經虛極。或怔忡不眠。或汗出如雨。補耶瀉耶。當夏宜用五味等味以救肺。不宜用桑皮等味以瀉肺。理也。設使肺經熱極。或大便閉塞。或熱血妄流。瀉耶救耶。此種學問。余從不固執。惟相其緩急。權其標本。棄輕從重。不拘時令。只照病醫。却無不好。經驗過歷。也不爽。深恐膠柱鼓瑟者。流不敢輕用藥味。



何可秘而不傳。

一。望見顏色不錯。証之苗竅相符。藥之又與病合。若服一二三劑。病猶照常不除。又不加甚。切不可因人言藥不合症。半路一更方。蓋在我望色既真。辨竅既稔。效不見速。無非病深藥淺。藥力未到。譬之舟人駕舟兩岸遼闊。一時難到。我既認定風色。亦只把定船牙。活握蓬索。一在浪湧兼天塵。一塵自然到岸。如把持不定。在半江中。或辭蓬轉舵。則斷無不覆之舟。予兩代經驗過。歷七不爽。似此成敗關頭。何可秘而不傳。

一。兒病患。舉世幼科皆於兒第二指面筋紋細摹細看。以形色

論症候。以透關決死生。予兩代以醫術濟人。共約七十餘年。治活嬰兒不下百千萬數。皆以望面色。審苗竅爲主。治無不神。間亦摹看筋紋。了無証驗。似此迷津道岸。何可秘而不傳。及禹鑄曰。摹看手指筋紋。乃醫家異教。蓋指面筋紋生來已定。豈因咳嗽而變爲反弓。驚積而化爲魚刺。膈熱而結爲流珠。肝氣粗而來蛇狀之理。卽曰能變能化。亦不過反弓知咳嗽。魚刺知驚積。流珠知膈熱。蛇來知氣粗而已。外有何知。况二指一面。僅大小二腸所屬。非五臟諸經並見之地。卽曰並見。一指長不過寸許。闊不過分餘。設也膈熱而兼氣粗。氣粗而

兼咳嗽。則流珠與反弓蛇來並相廝混。請從何辨。又訣曰。初關乍入宜支退。筋透三關命必亡。常見筋透三關竟無病者。亦有病時透三關而必不亡者。此種道理。殊不知解。余兩代經過不驗。不忍隱而不言。見之者幸勿執迷不悟。

禹鑄曰。治病不可關門殺賊。臟腑之病必有賊邪。或自外至。或自內成。祛賊不尋去路。以致內伏。是謂閉門殺賊。如傷寒賊由外入。法宜表散。心火賊自內成。清利爲先。譬之祿山乃季唐外至之邪。三思武則天內成之賊。俱不開門逐出。幾移唐祚。賊之爲害豈淺鮮哉。是知降心火而不利小便。除肺熱而

不引大腸。治風熱而不發表藥。夾食而不導消。痢初起而不通利。瘡始發而遽用截方。比此皆閉門之弊。不第不能殺賊。而五臟六腑。無地不受其蹂躪。則閉門之害。可勝道哉。有心幼科者。又不可不知也。

禹疇。曰。病不可開門揖盜。若臟腑有虛。外雖傷感。悞爲表散。分利。惹來別症。是謂開門揖盜。試以脾虛作瀉論之。脾虛惟恐補之不及。一用分利。則正氣日下。而脾愈傷。便來脾慢之症。譬之六國之病在弱。離橫合縱。乃季子補救之策。解約散縱。自開吞并之門。是亂臣亡國與分利崩脾無異理也。至於


肺虛悞爲發散。心虛利水。肝虛抑肝諸類。當從脾虛分利而類推之可也。

禹鑄曰。在湯頭中更換藥味。有宜不宜。猶文字上更換字眼。有妥不妥。一般更換字眼有慧思。鄙見之殊。更換藥味亦有鄙見慧思之別。如范希文作子陵祠堂記有歌曰。先生之德。時李太伯在座。以風字易德字。洵是慧思。李太白詩。人烟塞橘柚。而黃魯直以家園字易烟寒字。便是鄙見。至子醫家用四物湯以補血。內有熟地。若心有火而血熱。以生地易熟地。却是慧思。若心無火。血不熱。而亦以生地易熟地。便是鄙見。此

等學問。只可與知者道。難與不知者言也。業醫道者當留心焉。

禹鑄曰。凡小兒病有百端。逃不土五臟六腑氣血。症雖多怪。不去虛實寒熱風痰。病縱難知。瞞不過顏色苗竅。症卽難辨。莫忽畧青白紅黃。面上之顏色苗竅。乃臟腑氣血發出來的。顏色之紅黃青白。乃寒熱虛實獻出來的。業醫者能于此處做工夫。便得吾家之秘訣。

面 圖



太陽 男重揉此穴發汗。  
女揉此止汗。


太陰 女重揉此穴發汗。  
男揉此止汗。

推法。用茱萸煎汁。浸染。匠人大指。先從眉心向額上推至二十四教。從眉心分推至太陽。太陰九教。自天庭至承漿各穴。搯一下。以代針法。再于太陽。太陰。或發汗。或止汗。再將兩耳下垂。尖捻而揉之。又將兩手捧頭面。搖之。以順其氣。再看寒熱。向手推三關六腑及運入卦。隨分推胸。口及揉臍。推委中舉。再揉井肩。至于別穴。看症再加揉法。

# 手正掌面圖

幼科鐵鏡 卷之一

目鼻之氣。推上清。使



無則旋推。從坎入艮。

精氣神。降。吸。由。痰。响。

以此作六腑。悞之極矣。

解急 總子止氣

以此處作三關。大悞。

戊亥對掌。症輕。至。命。生。死。再。看。

寒則旋推。從艮坎。


影影對掌。形。旋推為補脾。

推三關。退六腑。運八卦。男女俱在左手。人以男右手為女之左手。獨不思右掌无八卦。若亦有八卦。則震居西。兌居東。艮



居乾而坤居巽。豈後天八卦之定理而為女子之推拿遠矣。其位置耶。况男女心肝腎脉俱在左手。若女以右手為左。則心肝諸脉可在右手不。

手 掌 正 面 形




推法以兩手圍握舉將兩大指在總筋中分推各往側邊

兒眼翻上者。將大指甲在小天心向掌心下指即平。  
兒眼翻下者。將大指甲在小天心向總筋上指即平。

夏禹鑄曰。大指面屬脾。画家画手掌不把大指画正面。乃画家之正法。前人只得以脾土字寫在側邊。後人誤認。以訛傳訛。遂以大指之側面爲脾。余故將前掌圖大指移作正面。此因脾上画圖之權宜。又因口訣有曰。脾土曲補直爲推。見有曲字。便把兒指一曲着。則側面居正。故愈以側面爲脾。那曉得曲補之說。曲者旋也。手指正面旋推爲補。直推至指甲爲瀉。此前人一字之訛。遂成流弊莫救。今人推之不效。皆由穴之不真。前人傳之已悞。後人幸勿再悞。

# 手背正面圖

幼科鐵鏡卷之一



夏禹鑄曰。五指稍尖俱屬下。前人作上。悞矣。譬諸草木。根是本。稍爲末。匕下也。不辨可知。前人又每以左足爲右足。獨不想到人在堂居中朝上坐。却是西邊爲左邊。如此明白顯易的道理。胡爲乎還錯了。若女則右足爲左足。地道尚右也。

男左手直骨奇面爲三閔。屬氣分。推上。氣行陽動。故爲熱爲補。男左手直骨正面爲六腑。乃血分。退下。則血行陰動。故爲寒爲涼。涼其兩邊側裏屬陽氣。陰血交界之地。以此處作三閔六腑推之。氣而無所適從。補瀉何可合用。

三閔。陽也。何女以推上爲寒爲涼。所謂陽極陰生是也。女陰道。

故從陰生處推之。


六腑陰也。何女以退下爲熱爲補。所謂陰極生陽是也。故女從陽生處推之。

訣曰。腎水一紋與後溪。推上爲清下補之。小便閉赤清之妙。腎虛便少補爲宜。禹鑄曰。四臟俱推上爲補。下爲瀉。何腎與四臟相反。蓋四臟居一身之上。而腎居下。腎虛則推四臟之氣。往下以滋腎。故曰下補。腎水混濁則小便閉赤。若再往下推則閉愈甚。一往上提。疏通水道而小便自清。故曰推上爲清。此上下清補有異。若不發明上下之理。恐人疑推腎之上下。

兩字有訛。則遺害不淺。故識之。

# 合骨虎口二穴圖

幼科  
鐵鏡  
卷之一



老龍空。驚死時在精威二穴。身不醒。再于此穴一掐。知痛者生。不知痛者死。可向肺俞穴重揉以探之。

夏禹鑄曰。前人因合骨穴。故画側手圖。只能画一面。不能畫三  
面。故以三關六腑寫在兩邊。按圖雖在兩邊。而推画圖之情。  
兩邊原是正面。後人不體其情。以側手圖之側邊。遂執爲見  
手正面之側邊。作三關六腑。不大可怪哉。古人画圖繪穴。想  
無不真。多因彼讀書明理家。爲醫道不足習。匕之者皆俗子  
庸夫。不能揣情度理。一錯看過。以訛傳訛。相習不察。余力闢  
前謬。非故示異也。由幾番折肱體認得來的。後之君子當毋  
以妄誕目我。



# 足 圖

幼  
科  
鐵  
鏡  
卷之一




湧泉穴。男左轉揉之吐卽止。右轉揉之瀉卽止。左轉不揉主吐。右轉不揉主瀉。女反是。

驚木若急。大墩穴拿之。或鞋帶穴對拿。如嬰兒弱死。在大敦穴按之無脉。又在解溪穴再按又無脉。弱到十二分地位。不必醫。如雨處有脉。卽用人參一二分。服之自轉。不可多用。恐弱不能受。反加一死。醫者知之。

驚時若身往前撲。卽將委中穴向下掐住。身便直。若身後仰。卽將膝上鬼眼穴向下掐住。身卽正。


# 身面圖

膀胱燈火。顛門。眉心。人中。承漿。兩手大指。少商。臍心。臍輪。共十三燧。



定驚元霄燈火。顛門。眉心。臍心。臍輪。合骨。鞋帶。各穴共十五燧。

# 身背圖



幼科鐵鏡 卷之一

## 死症辨

前輩有死症訣。然於中治之。却有不死者。醫家不可棄而不治。大冲卽大敦無脉。是弱症。屬不足。直視搖頭。是風症。屬有餘。二者相兼。覺無此理。倘有相兼。不治症也。如止有一。斷非死症。魚口自動。忽作鴉聲。此脾有痰。而肝有風。若祛風豁痰。覺非死症。蛔虫盡出。不加燒熱。補脾卽安。亦非死症。面黃四肢腫。若黃有寶色。補脾行氣自消。却非死症。至于鼻門黑燥。兼以肚大青筋。手抱頭上。兼以汗似油淋。顛門腫起。忽陷成坑。只犯一宗。猶非死症。若果並見。必死無疑。

卓溪家傳秘訣

前輩相傳不效者刪之兩代經驗過者補之亦有訣傳不明者出已見以闡發之

嬰兒十指冷如冰。便是驚風體不安。十指稍頭熱似火。定是夾食又傷寒。

握之恐不真。再以兒手指貼吾面。試之不夾。

以吾三指按兒額。感受風邪三指熱。三指按兮三指冷。內傷飲食風邪感。以上探病法。

一年之氣二十四。閉額天門亦此義。自古陰陽數有九。額上分

推義無異。天庭逐指至承漿。

卓溪。

以陷代針行血氣。此乃開額自推法。

傷寒推法上三關。臍熱專推六腑間。

卓溪。

六腑推三關。應一三

關推十腑推三。推多應少爲調變。血氣之中始不偏。

如只推不應。恐發熱。

則動火。過涼又有滯。

啼哭聲從肺裏來。無聲肺絕實哀哉。卓溪。若因痰蔽聲難出。此在醫家用妙哉。

卓溪。

病在膏肓不可攻。我知肺俞穴能通。不愁痰藥無聲患。艾

灸通神勝化土。

卓溪。

百會由來在頂心。此中一穴管通身。撲前仰後歪斜癩。艾灸三丸抵萬金。腹痛難禁還蕩血。亦將灸法此中尋。

張口搖頭并反折。速將艾灸鬼眼穴。更把臍中壯一艾。却是神仙最妙訣。

卓溪 卅肩穴是大開津。指此開通血氣行。各處推完將此指。不  
愁氣血不周身。

病在脾家食不進。重揉長官妙似聖。再加大指面旋推。脾若初  
傷推卽應。旋字不可忽畧。

頭疼肚痛外勞宮。揉外勞宮卽見功。疼痛醫家何處識。卓溪眉

頭蹙七哭聲雄。古人只曰頭疼肚痛。非比辨法。何以知之。

心經熱盛作痴迷。天河引水上洪池。掌中水底撈明月。六經生

涼那怕痴。

嬰兒臍腑有寒風。試問醫人何處攻。揉動外勞將指屈。此日黃



蜂入洞中。

探指五指瓜節時。有風驚嚇必須知。若還人事難甦醒。精威二穴對拿之。

胆經有病口作苦。只將妙法推脾上。卓溪。口苦醫人何處知。合

口頻吐左右扭。古人只曰口苦非此辨法。何以知其口苦耶。

大腸側推到虎口。止瀉止痢斷根源。卓溪。不從指面斜推人。在

教骨碎與皮穿。揉臍兼要揉詬尾。更用推揉到湧泉。側字不可忍。

腎水小指與後溪。推上為清下補之。小便閉赤清之妙。腎虛便

少補為宜。小指止面屬腎水。

卓溪 小兒初誕 月中啼 氣滯盤腸不用疑 臍輪胸口宜燈火 木

香丸下勿遲

身不燒熱 啼聲雄壯

目睛青色有肝風 鼻破生瘡肺熱攻 卓溪 祛風却用祛風散 指

頭瀉肺效相同

鼻準微黃紫庶幾 卓溪 竒紅帶燥熱居脾 大指面將脾土瀉 灶

土前湯却亦宜

灶土 即灶心焦 土名伏龍用

太陽發汗來如雨 身弱兼揉太陰止 太陰發汗女兒家 太陽止

汗卑屬女

眼翻即消小天心 望二頁下消平 若是雙眸低看地 天心上

指卽迴睛。

卓溪。口眼相邀扯右邊。肝風動極越風牽。若還口眼類掌左。定是脾家動却痰。腎水居唇之上下。風來焉不作疲瀾。雙眸原屬肝家木。枝動因風理必然。右扯將兒左耳墜。左去瞻回右耳邊。將耳垂下扯。

卓溪。三朝七日眼邊黃。便是臍風肝受傷。急將燈火十三點。此是醫中第一方。

卓溪。效見推拿是病輕。重時莫道藥無靈。療驚定要元宵火。非火何能定得驚。若用推拿須下午。推拿切莫在侵辰。任君能火

還能樂。燒熱常多退五更。叮嚀寄語無他意。恐笑先生訣不真。

推拿代藥賦

前人忽畧推拿。卓溪今家一賦。寒熱溫平。藥之四性。推拿揉拍。性與藥同。用推卽是用藥。不明何可亂推。匕上三關。代却麻黃肉桂。退下六腑。替來滑石羚羊。水底撈月。便是黃連犀角。天河引水。還同苓柏連翹。大指脾面旋推。味似人參曰尤。瀉之則爲灶土石膏。大腸側推虎口。何殊訶子炮姜。反之則爲大黃枳實。湧泉右轉不採。朴硝何異。一推一揉右轉。麥木無差。食指瀉肝。功並桑皮桔梗。旋推止嗽。效爭五味冬花。精威拿斂。豈羨牛黃。

貝母肺俞重揉。漫誇半下南星黃蜂入洞。超出防風羌活。捧耳  
搖頭。透過生地木香。五指節上輪揉。乃祛風之蒼朮。足拿大敦  
鞋帶。實定掣之勾藤。后溪推上。不減猪苓澤瀉。小指補腎。焉差  
杜仲地黃。湧泉左揉。類夫砂仁菖葉。重揉手背。同乎白芍川芎。  
臍風燈火十三。恩符再造。定驚元宵十五。不啻仙丹。病知表裏  
虛實。搖合重症。能生不諳。推拿採摺。亂用便添。一死代藥。五十  
八言。自古無人道及。雖無格致之功。却亦透宗之賦。

## 卷之一終

幼  
科  
鐵  
鏡  
  
卷  
之  
一

幼科鏡鏡卷之二

貴池卓溪叟夏鼎禹錡氏手著

受業弟邑庠鐸禹懸

邑庠之日孟然

男

郡庠之雲飛霖全叅

卓溪夏禹錡曰。萬物以土爲母。而人身亦然。陳非宋問曰。物賴土生。有形可見。人身亦以土爲母。何以知之。曰。脾屬土也。而鼻屬於脾。彼孕婦成胎。先從鼻始。故人稱始祖曰鼻祖。以是知脾土爲一身之母也。有脾土而後生肺金。肺金生腎水。腎

水生肝木。肝木生心火。心火生脾土。此五臟相生之序也。有生亦必有尅。不尅則太旺無制。故肝木尅脾土。脾土尅腎水。腎水尅心火。心火尅肺金。肺金尅肝木。此五臟相尅之序也。業醫者不明五臟生尅之定理。則治病兼補兼瀉之法從何而施。如脾家虛極。法唯用補。補之不足。必兼補心。苟不明相生之理。焉知補心以補脾。如脾家熱極。法雖瀉脾。然瀉之。不克。必兼瀉肺。不明相生之理。又焉知瀉肺以瀉脾。生成者謂之母。尅我者謂之賊邪。如肝家虛極。則肺邪乘肝。補肝必兼祛賊。賊去而肝自安。不明相尅之理。又焉知瀉肺以補肝。舉



此兩臟。餘臟皆可類推。

一望形色。審苗竅。知表裏之寒熱虛實。

禹鑄曰。望聞問切。固醫家之不可少一者也。在大方脈則然而小兒科則惟以望爲主。問繼之。聞則次。而切則無矣。經云。切而知之之謂巧。夫小兒六脈未全。切無可切。而巧亦無所用其巧。問而知之之謂工。小兒于未言時。問之無可問。卽于能言者。問之多。不以真對。是問之不必問。而工亦無所用其工。聞而知之之謂聖。小兒初病之時。聲音或不失其常。至病久而氣喪。氣喪而聲失。聞之無可聞。而聖又何所見其聖。况書

有日。哭聲不響。赴陰君。而亦有不赴陰君者。何。無非泥其聲。而不得其肺之絕與不絕故也。吾故曰。以望爲主。曰。五臟之體隱而理微。望從何處。曰。體固隱矣。然發見于苗竅。顏色之間者。用無不周理固微矣。乃昭著于四大五官之外者。無一不顯。中庸所謂費而隱。顯之微者。不可引之。相發明哉。故小兒病于內。必形于外。外者內之著也。望形審竅。自知其病。接病推拿藥石。見效之速。未有不如響之應。聲者內有臟。曰。心。曰。脾。曰。肺。曰。腎。曰。肝。五臟不可望。惟望五臟之苗與竅。舌乃心之苗。紅紫心熱也。腫黑心火極也。淡白虛也。鼻準與牙床

乃脾之竅。鼻紅燥。脾熱也。慘黃。脾敗也。牙床紅腫。熱也。破爛。脾胃火也。唇乃脾胃之竅。紅紫。熱也。淡白。虛也。如漆黑者。脾胃將絕也。口右扯。肝風也。左扯。脾之痰也。鼻孔肺之竅。乾燥。熱也。流清涕。寒也。耳與齒乃腎之竅。耳鳴。氣不和也。齒如黃豆。腎氣絕也。目乃肝之竅。勇視而睛轉者。風也。直視而不轉睛者。肝氣將絕也。以目分言之。又屬五臟之竅。黑珠屬肝。純是黃色。凶症也。白珠屬肺。色青。肝風侮肺也。淡黃色。脾有積滯也。老黃色。乃肺受濕熱。疸症也。瞳仁屬腎。無光采。又兼髮黃。腎氣虛也。大角屬大腸。破爛。肺有風也。小角屬小腸。破爛。

心有熱也。上皮屬脾。腫脾傷也。下皮屬胃。青色。胃有寒也。上  
下皮睡合不緊露一線縫者。脾胃虛極也。面有五位。五臟各  
有所屬。額屬心。離火也。左腮屬肝。震木也。右腮屬肺。兌金也。  
唇之上下屬腎。坎水也。五臟裏也。六腑表也。小腸心之表。小  
便短黃澀痛。心熱也。清長而利。虛也。胃乃脾之表。唇紅而吐。  
胃熱也。唇慘白而吐。胃虛也。唇色平常而吐。年傷胃論。大腸  
肺之表。閉結。肺有火也。肺無熱而便閉。必血枯不可通。下脫。  
肝肺虛也。胆乃肝之表。口苦。肝旺也。聞聲著嚇。肝虛也。膀胱  
腎之表。居臍下氣海之右。有名無形。筋腫筋痛。腎水之寒氣。

入膀胱也。面有五色。一日紅。七病在心。面紅者熱。一日青。七病在肝。面青者痛。一日黃。七病在脾。面黃者脾傷。一日白。七病在肺。面白者寒。一日黑。七病在腎。面黑而無潤澤。腎氣敗也。望其色若異于平日。而苗竅之色與面色相符。則臟腑虛實無有不驗者矣。

### 五臟各有所司

心乃一身之主。通身皆心司之。端主血。端司神。如驚悸不安。屬心虛。治。無因而泪。汗身瘦。不動而莖。陽物也。腫者。心熱也。以上有病。俱從心治。

脾。

脾虛也。思慮過則傷脾。

脾虛者。氣弱也。

氣又分司汗。肌肉消瘦者。痰實痰動者。

脾虛。肌肉消瘦者。痰實痰動者。

脾虛。肌肉消瘦者。痰實痰動者。

痰動者。思慮過則傷脾。

脾虛者。氣弱也。

以上有病俱從脾治。

肺。

肺虛者。聲嘶。

肺虛者。聲嘶。

肺虛也。有聲不出者。痰蔽也。聲熱出在。

肺虛也。有聲不出者。痰蔽也。聲熱出在。

肺虛也。有聲不出者。痰蔽也。聲熱出在。

毛。

破癢者。肺燥。

破癢者。肺燥。

肉外皮內。不。

以上有病俱從肺治。

以上有病俱從肺治。

肝。

肝虛者。血弱。

肝虛者。血弱。

血又分司汗。筋抽掣者。

以上有病俱從肝治。

以上有病俱從肝治。

治。

腎。

腎虛者。骨節酸痛。

腎虛者。骨節酸痛。

以上有病俱從腎治。

以上有病俱從腎治。

脾肺內有傷皆從外入。如父母舐犢過愛。則飲食傷脾。護持疎失。則六淫傷脾。至乎心腎肝無有傷處。到成人後。生甚虛。

多房事傷腎。守錢虜。去財穀傷心。曰畏堂。時忍憎傷肝。乃如之症。遠近儒多。卓溪雖有良方。惜乎鞭長莫及。

**釋六淫**風寒暑濕燥火。

一辨臍風

夏禹鑄日。三朝之內。便是臍風。如七朝之外。定然不是。前人只曰風由臍入腹。以致撮口噤口。並不曾說出一種理來。余思嬰兒出世。剪落臍帶。帶口有水。風固乘水。由臍入腹。然腹與唇舌相去甚遠。而唇撮舌強。何故。把賊邪逆犯之理一悟。乃知風入于腹。始附于肝。匕木也。風則對木而鳴。目。肝之竅。兩

眼角故有黃色。風入于肝。必逆犯乎脾。鼻隼。脾之屬。故隼頭  
又有黃色。入于脾。必逆犯乎腎。兩唇屬腎。改色黃。口撮入于  
腎。必逆犯乎心。舌乃心之苗。故舌必強直。到此風火交熾。亡  
之必矣。予悟臍風顛未至此。自問亦不自知。語曰。思之思之。  
鬼神通之。殆此謂歎。臍風初發。吸乳必較前稍鬆。兩眼角挨  
眉心處。忽有黃色。宜急治之。治之最易。黃色到鼻。治之仍易。  
到人中。承漿治之稍難。口不撮而微有吹噓。猶可治也。至唇  
口收束鎖緊。舌頭強直。不必治矣。一見眼角。鼻及人中。有黃  
色。而唇不撮緊者。曲兒小指。揉外勞。即用燈火于額門。眉心。



人中承漿。兩手大指少商各穴一燋。臍輪六燋。未落帶。于帶口火燋。既落于落處一燋。共十三燋。風便止而黃卽退矣。此火攻之法。何異呂祖壺中藥。盧公再生方哉。願普天下爲兒父母的。依予看治。卽十百于萬億中。斷無有一孩之死于臍風者。

余常見大方脉書垂效案。無一姓氏。似屬虛誕。卓溪叟附錄。必書姓氏。斷不敢謬。如有借名。是書一出。將何以對效案中諸君子乎。兩代效集充笥。不能盡載。聊取疑難一症。約畧附之。各症之末。非矜已也。用以資事斯道者之相較驗云。

長山庠友儲二。有一日抵掌下。偶道及從前舉子俱不育于  
臍風。予爲約曰。後弄璋三朝內。招余過望。此患可除。後果如  
約。將兒抱出。兩眼畔黃色方塊。用燈火十三燂。卽退。此望臍  
風不爽之一驗也。

余邑中嶧桐居士劉伯宗先生。乃郎佶三時值舉。媿臍風延  
至七日。口不吹噓。亦不撮鬚。兩眼角黃色深集。溶<sub>匕</sub>鼻準并  
溝畔黃色淡<sub>匕</sub>。身上微燒。見之甚訝。從未有臍風能延至七  
日者。以眼角鼻上黃色濃淡揣之。知其脾土稟賦甚旺。風難  
遽入。以故爾。七余重揉外勞。用燈火十三燂。攻按肝風于鼻

上并左右溝裏加火三焦以截去路。用防風一錢煎服立愈。  
此臍風異症之一驗也。

辨胎寒

胎寒。下地後或半日一日內。通面皆青如靛染。口不吮乳。先有啼聲。後復不啼而昏迷者是也。觀兜兩眼鼻準無黃色。口又不吹噓。定是胎寒。先于精靈。威靈二穴對拿緊。并將崑崙穴拿緊。其聲稍出。卽用十五元宵火斷之。或聲不出。亦用此火則聲必出。乳必吸。青色必漸退矣。然此症須防作吐。胎寒者臍膈皆寒。胃无納乳。胃寒不能納故必吐。治用人參二分。桔梗一錢。白朮

三分。霍香五分。服之自愈。亦有發之遲者。胎有寒而外無感冒。則遲之二三日之間。胎有寒而下地復感其寒。故即發于半日。一日之內。面必青色。唇白瀉白。或昏睡或腹痛。或口不吮乳。四肢必冷。曲手握拳。或啼哭不已。皆胎寒也。治之切勿認爲臍風。當以辨臍風之法辨之。治宜用理中湯。再加附子。遲久或變爲盤腸內疝。治宜用勾藤膏六。此症由娠母好食生冷。坐臥貪涼所致。

一辨胎熱

胎熱者通面大紅。七雖赤子本色。恐人不能辨。蓋本色紅而淡。

淡而正。熱色深紅而燥。上而色雜。如滿口熱氣莽。或舌腫而紅紫。口氣蒸手。或大便閉結。小便短赤。目內紅赤。此皆胎熱也。如牙齦腫硬。不能吸乳。用銀簪于牙上下合骨處刺破出血。而乳自能吸。隨用連翹一錢。伏龍肝二錢。車前一錢。煎服。或用大連翹飲。此症由娠母喜睡火炕好食煎炒所致。

### 一胎毒發丹

此症由娠婦常谷熱湯。或久臥火炕。或過食煎炒辛辣。其候丹發頭面四肢。赤色遊走不定。先用天保來薇湯二表散。次用大連翹飲。或傷乳發丹。大便閉結。宜用四順清涼飲二十八通之。

自愈。

一辨胎驚胎風

驚與風名異而症同。如面青搐搦。口噤身熱。背强者是也。若目直。竄視。最爲難治。宜先拿精威二穴。并崑崙穴。少頃。卽曲兒小指。重揉外勞宮。隨用元宵火定之。卽服豬乳膏六十七。此症由娠母性強撒潑。顛撲損傷心血。應之于胎。外復感挾風邪。相觸而發。

一辨胎黃

胎黃由娠母感受濕熱。傳于胞胎。故兒生下面目通身皆如黃。

金色。壯熱便秘。溺赤者。是也。治用地黃苗。陳湯七。

余同學庠友方孟居。舉子。剛出世。少頃。通面青如靛染。味爽呼門。振袂往視。知爲胎寒之極。拿精威二穴無聲。曲小指揉外勞。隨用元宵火加肺愈二燄。少商穴一燄。卽乳。余知必吐。預用養香煎之。果吐。與服之。早食。候天庭青退。至亭午。通面皆紅矣。此執色驗症之一徵也。

方姓有子。通其人者。生子七日內。不吮乳。適予在郡。請別醫。誤作臍風。予歸要路。畱治。見其唇燥極。面色紅中帶焮。燒執亦甚。揣不吮乳之故。必是牙關腫硬。用針于骨合處。在一針。

血出。放手卽乳。用連翹一錢。灶心土二錢。木通五分。煎服卽愈。此望色審竅之一驗也。

一 余男之雲同年泮友胡增奇。生男四日內。地距四十里許。不  
便邀看。來與余說。面上黃色。身有微燒。予搯臍風黃色必不  
通面。因問眼內何如。渠說亦有黃色勢樣。予曰。定是胎黃。以  
地黃茵陳湯方授之。愈。此問色知症之一驗也。

一 辨蒸變

小兒生下三十二日一變。六十四日一蒸。變者。變生五臟。蒸者。  
蒸養六腑。長血氣而生精神。益智慧也。積五百七十六日乃除。



蒸變必燒熱。其狀似驚。耳尻焦紅。口內上唇有白點如魚目粟米大者是也。蒸變之候。口唇舌色俱照尋常無異。燒熱雖有重輕精神却不喪失。口氣必不暴戾。輕則三四日解。重則六七日除。不可妄投藥餌。听其自愈。

一辨脾之實熱虛熱

脾實熱。鼻必紅燥。唇必紅燥而裂。牙之裏傍必掀腫而紅紫。大便色必深黃。或身熱不食。或精神疲倦。或熱吐熱瀉。治用伏龍肝五錢。熱石膏一錢。服之自愈。脾虛本無熱。所以熱者。虛使然耳。初由脾虛。而復傷飲食。其候身微熱。鼻微紅而微汗。口雖渴。

而唇必慘白。口氣必微弱。以手按之而不蒸手。或食而不化。或見食而不喜食。或瀉或吐。此皆虛熱之病也。治宜補脾爲主。用六君子湯。九加藿香。有脾虛腹腫。或因傷食而起。以指彈之如鼓聲。以手捺之如綿軟。切不可用通藥。宜用六君子湯加厚朴。或腫脹。加大腹皮。如腹脹彈之不響。捺之鉄硬。有青筋。作肚

大青筋論。四肢俱腫。作腫脹論。如脾虛腹腫。一用通藥。十有十死。連用六君子湯十劑自消。

一辨脾濕

脾濕由脾弱不能制水。水反侮土。其候面闇而不澤。唇晦而不紅。或痰易動而不化。或食稍傷而卽瀉。瀉下澄清如水。或身上

發熱。此脾濕症也。治用蒼朮、白朮、陳皮、白朮、半夏、甘草。如脾土傷食而生痰者。治用消道二陳湯加炮薑十九。

一辨肺熱肺寒肺虛

肺熱。右腮紅。至甲酉時其紅更盛。或大便閉結。或身熱。或喘急。而咳嗽。或嗽不出。而面壅赤無痰。或口渴氣莽。或鼻門乾燥。且爆破生瘡。皆肺熱也。治宜用瀉白散三十九。肺熱面色慘白。外無感冒。治宜用五味子、白朮、白朮、陳皮、款冬花、甘草。肺寒治用參蘇飲三十六。其肺寒及寒極似熱。治法在後傷寒類。

辨心實熱虛熱

心熱。額色紅燥。或舌紅紫。或舌紅而腫。或小便赤。而澀。而痛。或燒熱。皆心熱也。推法。運掌從坎入艮。退下六腑。水底撈明月。引水上天河。治用犀角解毒湯。三。虛熱症。面白。唇舌慘淡。小便清利。口亦作渴。治用人參。白茯苓。遠志。白朮。甘草。服三四劑自愈。

一辨心經熱極似寒

額不紅。舌不紅腫。小便不赤澀。乃熱蘊于心。不形于竅。不傳于色。口氣如焚。睡中齒如錯鋸。口必狂言。啼哭泪多。此熱極似寒也。推法同心熱。藥用犀角磨水飲之。或大連翹飲四。

一心熱昏迷似驚

其候燒熱平常。似有驚而不抽。昏迷無知。治用半夏。陳皮。桔梗。各二錢。煎服。後用甘草三錢。連翹木通各一錢。服之自愈。

九思軒措大方選萃。舉于纒兩月。症屬脾濕動痰。傳入肺竅。乃壺呼挑筋。婦挑之。症加甚。且曰挑遲了。不可愈。余往視之。拿却無聲。審音知痰入肺竅。先用推拿兼使燈火。隨用半夏二錢。桔梗。只壳。白朮各一錢。服之稍愈。選萃聞予言半夏合症。重用之。微動燥氣。予卽用赤芍等味解之。全愈。此脾濕動痰挑筋無濟。用藥輒效之一驗也。

余長女甫四歲。身上微熱。口說詭話。且無所不說。面色紫黃。唇色畧紅。舌尖獨燥。口氣如火。精神不弱。口不作渴。據面色。卻是中暑。但病值三月。暑非其時。以舌尖口氣并精神揣之。定是熱極似寒。用犀角磨水一杯服之。少頃一吐即愈。此熱極似寒。審竅探情之一驗也。

辨燒熱

夏禹鑄曰。燒熱之因不一。不可輒作風寒。今照症發明。人當探本。

肺部燒熱有五

一感冒面色寒滯。兩頰或似水紅。桃花。鼻流清涕。惡風痰壅。治宜芎蘇飲以表之。〔六十〕

一受暑面色慘淡。唇口舌皆淡白色。四肢困倦。神氣委靡。自汗煩渴。或詭譎話。治宜用清暑益氣湯。〔六八〕

一本臟發熱。鄰家有流行麻疹者。不可悞除。

一本臟有虛。面色白。口氣微。唇舌淡色。或發嗽熱。必輕微。治宜用五味子。麥冬。冬花。白朮。白茯苓。陳皮等味。服之自愈。

一本臟有熱而發燒熱者。面色紅燥。口中作渴。鼻門乾燥。或大便秘結。治宜瀉白散。〔三九〕

心經燒熱有二

面紅狂燥唇舌色紅紫口氣莽七小便赤治用黃連生地木通  
甘草竹葉舌白口氣微小便清驚悸燒熱微七此虛燒也  
治用茯神遠志甘草

脾家燒熱有三

一實熱舌唇牙床皆紅燥或破裂或碎爛或大便秘結或瀉黃  
或口渴氣莽治用石膏一錢灶心土三錢黃芩甘草

一虛寒脾本無寒虛則生寒面色慘淡唇口淡白微渴口氣微

上帶溫冷燒熱勢微治用六君子湯九氣虛即脾虛治法全

實痰燒熱脾本有痰因濕而動或兼食傷而色黯晦唇有晦



色。喉內痰勢响滑。治宜六君子湯加藿香五。

肝經燒熱有一

一。肝經燒熱。面色青。目勇視。或驚。或轉筋。或兩手尋衣。捻物。或冬怒。治用瀉肝湯六。或天保采薇湯一。

時毒燒熱有一

一。時毒燒熱。或腫頸。或腫腮。或身有癰毒。或頭瘡。搽藥瘡愈。毒氣歸內。氣喘。治用天保采薇湯二。托解瘡復出。仍用天保采薇湯一二劑自愈。

血虛燒熱有一

一。血虛燒熱。面無血氣。下午至夜燒熱加重。唇口白淡。大便常滯而不出。出則瘡瀉。治用四物湯四士。

予會試 都門有粵東某司張玉川乃嫗年十三歲身極瘦弱每食只能一茶鐘許終日微七燒熱下午加甚都中醫俱作童癆治不效延予一望知爲血虛血虛必腸胃無滋以致容狹故不能多食用四物湯加厚朴橘紅服十劑兼用熟大麥米爲飯食半月愈此望色審竅而知血虛燒熱之一驗也。

幼科鉅鏡卷之三

貴池卓溪叟夏鼎禹鑄氏手著

受業弟邑庠鐸禹懸

邑庠之日孟然

男

郡庠之雲飛霖全叅

一關諸驚之名之謬

治之當從木病辨風  
寒暑濕虛實痰熱

夏禹鑄曰。小兒發驚。而村婦庸夫。多以鑊針於兒手。挑筋破肉。噫。異矣。此喪心之村婦。覓食之庸醫。不知驚之為驚。而誤認為筋骨之筋也。蓋驚者。驚嚇也。由兒先有內傷。復來外感。肺

竅痰迷心無所主。一着驚而卽發也。若不豁痰以療驚。祛風以止掣。只把手筋挑斷。以免筋抽。不猶之止兒之啼而惟塞其口耶。况驚屬心。筋屬肝。苦挑筋以治驚。便與明紀上有云。女壻牙疼灸岳母脚後跟。又何有異。推前人所稱蛇絲馬蹄。鱒魚。烏鴉等驚名之意。無非爲後之痴人立其名色。告以病表。使易識耳。因見舌吐出如蛇舌。遂以蛇絲驚名。見手足撐踢如馬蹄。遂以馬蹄驚名。見口動如魚吮水。遂以鱒魚驚名。見身黑如烏鴉。遂以烏鴉驚名。如執此以治驚。則當用雄黃以治蛇絲。絆馬繩以治馬蹄。香餌以治鱒魚。穿楊筈以治

烏鴉方爲治病之藥。然筋亦有時而抽者何。蓋筋屬於肝。血行於筋。氣以行血。肝有賊邪。則氣血與賊邪交戰而不行。以致筋受風邪而抽掣耳。故豁痰以療驚。祛風以止掣。乃莫破之理。于妙法借傳。較之王宮紫府之仙方。枯木回春之造化。不相軒輊。凡我同人。萬不可以蛇絲諸詭名執爲正論。墮之以殺有寃莫愬之嬰兒也。

一闡明發驚之由兼詳治驚之法

夏禹鑄曰。驚生于心。痰生于脾。風生于肝。熱出于肺。此一定之理也。熱盛生風。七盛生痰。七盛生驚。此賊邪逆尅必至之勢。

瘳驚必先豁痰。豁痰必先祛風。祛風必先解熱。而解熱又以何者爲先乎。肺主皮毛。皮毛爲賊邪入內之門戶。彼風寒暑濕燥火六邪之來。皮毛受之。卽入犯乎肺。七本出熱地也。燥火暑邪一入。則熱與熱依而熱盛。風寒濕邪一入。肺竅爲之閉塞。則熱無所洩而熱亦盛。若解熱必先祛邪。前書上只云解熱。並未說到祛邪。今以祛邪之法詳之。一用拿。一用推。一用燈火。一用灸。一用藥。

驚瀉死症辨

先君初明有曰。如兒體不近肥。痰不甚盛。不省人事。張目視人。

者。在精感二穴對拿緊了。不知痛。竟無掙聲模樣。惟咬齒搖頭。此肺經已絕。肺金也。如鐘磬之類。空則聲亮。碎則聲無。治之無益。夏禹鑄曰。驚之爲症。七屬有餘。語云。寧醫有餘。不醫不足。既曰有餘。胡亦有死。我知之矣。此乃肺氣先弱。肺主皮毛。淫邪一犯。肺實受之。是已弱又加弱也。由肺犯肝。由肝犯脾。理應犯腎。奈腎只虛位。却無實地。亦且水鄉。風則可動。而熱與燥火俱不得入。其勢又難中阻。只得又順傳入肺。嗟。肺氣幾何。而能堪此重困耶。到此地位。須得聚窟中返魂樹。西域內更生香。庶乎可活。

驚瀾活症辨

初明曰。如驚痰築甚盛。昏不省人事。手不抽掣時。把精威二穴對拿緊。不咬齒。不搖頭。不直視。人亦無掙聲的模樣。將兒面向我。以我兩手騎兒肩。大指握前。以第二兩指並狠。揉肺俞兩穴。聲雖不出一掙一掙。拾似那喫贏在窠中喚化蟻。却不是開口叫類。我類我有聲有音的樣子。却是個緊閉着口掙不出。疊如貫珠。有聲無音的樣子。此乃肺被痰築。如鐘聲中以物寒之。卽重扣亦不響。定是活症。急灸肺俞穴各三壯。只用天保采薇湯。不必用推。若發驚。拿醒便知人。



生事。卽用後推法并燈火及藥。

推法開天門二十四下。從眉心推上髮際。分陰陽九下。用兩大指從眉心分推至太陽

太陰。此不論寒熱虛實皆用。如感寒在太陽上重揉發汗。體弱感寒亦揉太

陽發汗。並揉太陰以留汗。使發汗在皮裏膜外之間。庶免汗失

亡陽。更加虛弱之弊。女則揉太陰發汗。隨向天庭。眉心。山根。準頭。

人中。承漿。各指一下以代針法。男在左手三關推上三十。退六

腑五六下以應之。又將我兩手握兒在手。掌向上。于總筋穴分

推六七下。又在左手掌上運八卦。從艮宮推往坎宮二三十迴。

曲兒左手小指。重揉外勞宮。名曰黃蜂入洞三十下。卽于五指

節逐一捻揉兩次。在左腳委中穴往下捋三十下。以上男女各推左手左腳。卽用元宵火定之。隨服天保采薇湯。邪卽解。驚卽退而燒熱卽除矣。此祛邪之法也。如症重燒極。再加一劑。從未有不效者。燒熱退定在五更鼓。以上法不論肺熱肺寒。肝旺肝熱。脾濕並用。

辨驚有痰盛風盛熱盛

初明曰。痰盛發驚。一驚卽死。不省人事。抽掣輕而燒熱盛。此脾痰入肺。亦用天保采薇湯。內半夏倍加。二四錢。前胡倍加。二錢。蒼朮倍加。一錢。夏月加香茹。

初明曰。風盛發驚。雖驚死。而精威二穴一拿。卽甦。若手足抽掣。不已。一日一夜。竟發數十次。此肝風入筋。亦用天保采薇湯。內羌活柴胡。各倍加一不。半夏倍加三錢。如在夏月。外加香茹一不五分。

初明曰。熱盛發驚。其狀無異風痰。只口多作渴。此外邪入肺。亦用天保采薇湯。內乾葛。桔梗。倍加二錢。除以上三症外。有心經發驚之症。舌必吐出。其色紅燥。此本臟有熱而發。推法開天門。分陰陽。男在左手。退下六腑。女推上三關。男女俱在左掌心。運八卦。推坎入艮。掌中水底撈月。引水上天河。再用連

翹一錢。黃連五分。木通防風各一錢。水煎服。如在夏月加香茹。

初明日驚症或驚死一二日。或三四五六七日不甦。即甦亦不省人事。或抽掣。或不抽掣。宜急于肺俞穴用艾灸三燂。若一拿卽甦。不必用灸。只須一省火。天保采薇湯連服三四劑。重加半夏四五錢。從未有不活者。如在夏月。外加香茹一錢。五分初明日間亦有肺無痰塞。拿之無声者。不搖頭張目。亦是活症。此由病久亂醫。亂推亂拿。無所不至。哭喪肺氣以致無声。如此便知失声之由。切不可再推再拿。用火用灸。惟用天保采

薇湯等分服之。一劑便愈。如在夏月。外加香菇二錢。

初明曰。又聞有癸驚昏。上沉。上條。上直。上而睡者。雖不省人事。亦能自己翻身。手脚曲直自如。竟至十日內外不醒。却又不死。此症却與柔痉相似。不必推。惟用拿。上精威人敦。中廉并肩井穴。并揉五指節及肺俞穴。以上諸穴各用燈火一燂。用彌佗僧一字。原二厘半。研細。醋製。用半杯水酒灌下。再服天保采薇湯。倍加枯梗。半夏。卽甦。如在夏月。外加香菇二錢。

夏禹鑄曰。以上驚症。先君只說形狀。不言色竅。蓋因驚死之際。面目唇舌俱非本色。如云望色。必清濁難分。求其治法。必亂。

絲無緒。北適南轅在所不免。只得把形狀辨別方無有悞。

辨熱瘧似驚風傷寒

夏禹錡曰。熱瘧之燒熱與傷寒無異。最難辨別。看時若無真傳慧眼。以熱瘧作傷寒。驚風治者十有其十。卽問之普天下醫家能辨此者。吾知其必無半個也。予考先君效案中。醫愈不下數十人。看法載之甚悉。治法亦覺平常。然治之必效。古所謂藥用當而通神者。此也。余道先君辨法。一見便知。自信不啻雙鏡照胆。一藥便愈。無不駭曰。奇症奇醫。然而無奇也。人惟辨之不真。以故藥之不效。今發辨瘧之秘。傳我同人。俾嬰

兒不苦于熱瘧。庶可告無罪于盧醫。

傷寒燒熱。每日到晚。不減一分。不增一分。始終毫不間斷。只是平七而燒。不抽不驚。此乃傷寒之燒熱也。驚風燒熱。似乎傷寒而多一抽掣。蓋由筋属于肝。七風動故抽筋。肝風入脾。七動痰故驚。此乃驚風燒熱之辨也。

熱瘧燒熱。雖同。而症實有別。或食滾茶滾湯。或大哭大叫。頭面上必有汗。一有汗。燒熱即退二三。少頃又照原。便是熱瘧。此一辨也。

目早至晚必有一時。更甚。或眼泛去。或手足掣。一掣出汗。燒熱

卽退。獨腹上不退。少頃又燒。每白皆然。定是熱瘧。此一辨也。  
喉內必有痰。一哭必嘔。卽痰出。定是熱瘧。若驚風之痰。盤踞  
乎肺。必不到胃。何得吐出。此一辨也。

醫家具有靈心慧眼者。不須辨此。只須一眼一望而知。面色非  
黃似黃。非白似白。精采似倦不倦。面皮慘白而無潤澤。毛孔  
爽七而不直。樹兩眼。瞧人却像個無病的光景。熱瘧昭然。此  
症多發于五。六。七。八。九月之間。用清脾飲。四。七。無有不效。發  
一。二。日者。定要服五。六劑。發至五。六日者。只須三。四劑。亦有  
誤作驚風。傷寒治者。或至十日。二十日。甚至一月不愈。只須



一二劑。切不可。一劑不愈。遂作別症。更方而誤殺人性命也。不知者。難怪指鹿爲馬。在予父子兩代治之屢。不啻黑白分明。今把金針遠度。何難巧繡鴛鴦。

又有熱瘧。一日一發。七有定期。其候不冷。一來只發熱。或目下午起。至半夜。汗出便解。手心肚腹熱不盡解。或不自下午發。不可拘。亦用清脾飲四七。以上熱瘧。如小兒瘦怯者。熱退或弱死去。必要用六君子湯(九)以補脾。

後例雜症。余半出書傳。惟于疑惑處辨之。經驗者著之。不效者刪之。于書所未傳。見症想出治法。不過十之四五。獨警類以

及熱瘧。臍風辨法。前所未傳。推拿傳法亦悞。子父子兩代于七十餘年中。因症生悟。由悟入神。一見便知。一藥便愈。倘所謂前無古而後無今者。非耶。今出蘭亭真本。慎勿視爲楓落吳江。

凡症用藥。不過一二三味。甚至八九味爲度。獨驚癩症。用至十九味。何也。只因羣邪逞勢。各臟爲殃。深入內地。無不受害。上而顛頂。下而厥陰。手足腹心。到處波及。是以攻堅削亂之兵。不可缺一。故王剪伐荆。預知非六十萬衆不克。正此之謂。凡我幼科。慎不可以天保承薇湯作八寸三分帽。盡人可戴也。

## 辨癩症

癩雖有七種。歷治惟從陰陽二癩治之爲驗。一癩卽死。咬牙抽掣。痰壅喉內。不省人事。在日發者爲陽癩。面色光澤。病在六腑。肌表如拿不甦。必灸肺俞各穴三壯。卽用天保采薇湯等分各一錢。連服二三下自愈。

癩初發。身無燒熱。手足青冷。口吐紫驚。啼吐舌搖。頭是爲陰癩。面色暗晦。或從夜發。病在五臟骨髓。此最難治。宜用固真湯。〔土加南星。〕

## 一陽瘡兼癩

夏禹鑄曰。其症先有燒熱。一痢而死。拿之卽甦。汗出稍定。汗止  
又斃。此乃陽瘧兼陽痢也。瘧是本病。痢是標病。急則治標。先  
用天保采薇湯表散。倍加半夏三錢。連服二三劑。再服清脾  
飲四七一二劑。標本俱清卽愈。

辨瘧症

瘧病皆因風濕而成。濕乃本而風則標。若面目赤色。無汗惡寒。  
牙關緊急。一身腫硬。痰涎壅盛。小便赤澀。一發終日不甦。先  
有謔語。名曰剛瘧。乃風性剛急。症屬于風是也。治宜小續命  
湯五九去附子。若四肢厥冷。有汗不惡寒。大便滑瀉。不渴不

語名曰柔瘕。是濕性溫和。症屬于濕也。亦用小續命湯五九去麻黃。

二症如痰壅氣盛。加南星半夏。白茯苓以清痰。枳殼陳皮紫蘇以順氣。內熱便秘用承氣湯三五以下之。柔瘕用附子理中湯五以溫之。六君子湯五以補之。如纏綿不已則難治也。如病久而復手足抽攣。如角弓反張。此乃血枯不能養筋。治用四物湯四十一加附子防風羌活。切不可作驚癇治。恐悞則殞命矣。

余外孫與內姪孫兼患熱瘧。見之甚真。老妻見服清脾飲二

劑不愈。曰：世上有此瘡疾，敢是老眼昏花，錯認了予。曰：能捱至四劑自愈，果驗。內姪孫亦以清脾飲方授持，歸不服，作別症醫，病益甚。又來強予往視。予怒極，老妻慰之。行，一到仍檢清脾飲三劑，命服之。予老友方桓綏訝曰：有此奇症，就有此奇醫，俱隨命。服六君子湯三劑，以防去路。此熱瘡認症，旣填不聽阻撓之一驗也。

烏沙夾呂庠程抱公，子九歲時得病，請予往治。羣醫在座，抱見出，兩手挑破筋肉，膿血淋漓，慘不忍見。每日夜抽掣數十餘回，壯熱不退。予戲問曰：如此一症，諸位填門，治胡不愈。願

聞各用之藥。有以竹瀝溼痰言者。有以牛黃鎮驚凡言者。有以天麻勾藤定驚言者。有歸咎于排筋用火之爲害者。于不禁掩口胡盧。此症若輩不知也。交口請以症示。曰。此陽瘧兼陽癰也。如此治法。症有萬于。吾不知從何處說起。中一人問曰。先生認法得自何書。子曰。唐許胤宗有曰。醫者意也。思精則得之。自我作祖。何書之有。衆皆默然。用天保采薇湯各一錢五分。半夏倍之。共三兩許。一服抽定。燒熱減半。隨日清脾飲。一劑全愈。與諸醫解座。此挑筋無濟。望色通神之一驗也。鄰邑石埭沈蒼錫年五十餘。僅妾出一子。方二歲。患病。請救。

於子。卽拿精威二穴。子不出聲。通身燒熱。面白雖慘。寶色丙  
存皮不輕浮。光溜據面色不應無聲。掇無聲卻犯死症。因問  
前可醫過否。沈曰。初起時。蒙鄰媪挑筋兩次。又別請拿推數  
次。昨有人將桃柳柔枝遍身推括。晚便無聲矣。子揣病人肺  
氣已虛。屢致慘哭。氣喪。上氣以致無聲。惟照色用劑。以天保  
采薇湯外加冬花一錢。薄暮煎服。夜半熱退。此熱瘡兼癩。望  
色審聲之一驗也。

徐聖緒子患驚癇。不省人事。約五六日。緣乃伯措大伯孚曾  
與子同硯席。邀治。精威二穴。拿之無聲。卽向肺俞重揉。聲雖



不出。却有鼻上貫珠。掙不出來。模樣灸肺。臉各三壯。用天保  
采薇湯倍加半夏。單向大方脉。素與余友善。保仲石處。檢藥  
對聖緒云。在禹鑄人信。砒霜俱用得。然好也是這一服。不好  
也是這一服。子臨別云。服此一劑。雞鳴便退。燒熱果如期。熱  
退。二服全愈。此陽癰已死。探肺俞。探肺竅之一驗也。

痒友張孔迺壻。邑痒生。紹宗年可二十餘歲。一時癰死。不肖  
人事。約半月餘。他醫純用連苓之劑。毫不見瘳。邀予看治。予  
以症屬大方脉。固辭。孔迺力迫之行。一見顏色。便知痰患。拿  
精威二穴不應。于老龍穴一插。直視乎予。有哄若壅裏音者。

用半夏四錢。桔梗二錢。枳椇防風甘草各一錢。一劑稍甦。五劑全愈。足見肺雖無聲。非金碎。何不可藥。此中痰望形審竅。大小皆同之一驗也。

竹塘陳諱春者。一子十一歲。患病十餘日。不知人事。初八見其不醒。以爲驚死。于鞋帶穴人中搯咬破爛不堪。請予往治。見其唇口晦色如醬。不抽不掣。不渴。肢冷如水。治用燈火十五元宵。隨服小續命湯去麻黃。一劑卽甦。此望色審竅而知爲柔痙之一驗也。

慢症悟宗

人動曰慢驚。余獨曰慢症。蓋此症多成於大病之後。或庸醫一見病愈。遂不防守去路。或初誤汗。誤下。吐瀉久而脾胃虛極。故成慢症。慢字。緩字。雖對急字而言。然所以成此症者。皆由父母怠慢之故。或有汗出不止者。聽之。吐瀉不止者。聽之。以致汗久亡陽。吐久亡胃。瀉久絕脾。成難起之疾。故曰慢症。慢症何驚之有。以慢症而云驚。皆庸醫見兒眼翻。手掣握拳。形狀似驚。故以驚名之。一作驚治。或推。或拿。或火。是猶兒已下井而復落以石也。慢症者。脾虛也。眼皮屬脾。脾敗。故眼皮不能緊合。而睡則露睛。虛極則脾失元氣。故兩目無神而多昏。

沈。脾敗則枯澀無統。故凝滯咽喉而有牽鋸之聲。手足脾胃所司。脾胃敗故四肢厥冷。虛慢必生寒。寒則大便瀉青。小便清利。便知爲慢脾之症。若療驚則無驚可解。祛風則無風可祛。除痰則無痰可除。解熱則無熱可解。惟脾間枯痰。虛熱往來耳。治宜固真湯。王加天麻。鈎藤。或六君子湯。五加炮姜。或理中湯。五加附子。

凡兒一到慢症。十僅能醫六七。蓋症至此。肺心脾三臟俱虛。胃氣大腸兩腑俱敗。若虛而不絕。雖久能生。如胃氣將盡。萬不可活。卽強藥之。亦活活一二日。究非真活也。然非假活不足

以見藥力之妙。余見之甚衆。如慨然領手者。其症必生。踟蹰固謝者。縱藥亦死。此無他。惟於面上看寶色。胃間探消息。生死便燎然在目矣。

余幼女於壬寅冬。值先君辭世之會。痲症有失經理。冷瀉成慢。幼甥同症。熱瀉成慢。妹婿聞遠。波僧精於此道。呼治之。日索藥价。丸如綠豆大。每丸銀三錢。屢服症加重。余女眼閉不開。約十餘日。問乳母。幸吮乳不輟。面上寶色有存。余用固真湯加附子五分。服三劑。眼一開。頃又閉。揣之藥力未及。連服十劑。愈。甥慢雖同。寒熱迥別。知不可治。妹婿嗔余有親疏之

別。藥各參附。與余妹反目。遠波僧見余甥光景強壯如故。滿口許其必生。余作色辨曰。爾以健壯爲生耶。獨不思熱則氣壯。况熱瀉明知肺熱。用參反傷乎肺。不用則慢無治法。將謂清肺。再用藥一清。則脾氣卽絕。清不得。補不得。何生之有。遠波默然趨去。越三日死。此慢症雖同。寒熱迥異。不可不察之驗也。熱慢不多見。亦學者之所宜知。

幼科鉄鏡卷之四

貴池卓溪叟夏鼎禹鑄氏手著

受業弟邑庠鐸禹懸

邑庠之日孟然

男

郡庠之雲飛霖仝叅

痲症

夏禹鑄曰。痘出於臟。痲出於腑。痲乃大腸主之。毒氣蝨肺。故發咳嗽。先輩書未嘗齒及痲症。蓋以其輕而忽之也。卻不知表症雖輕。毒侵肺腑。亦多與鬼爲鄰。子經歷甚衆。費手居多。因

不惜筆力。詳著于篇。以杜嬰兒麻症之患。流行麻症。其候燒熱。必發咳嗽聲。必稍啞。面皮微有腫樣。兩腮顏色微紅。此吉兆也。如出發不快及不透發。或紅點見面。偶挾風邪而隱。或醫人不知。誤除燒熱。隱而不見腹內作痛。治之神莫神於天保采薇湯。聖莫聖於天保采薇湯。只須一服。卽發出。或有不盡發者。再加一服。從未有不效者。如肺臟先虛。又加大腸毒氣攻肺。面皮像澆薄的式子。慘白浮上。光上溜上。便是肺氣已絕。在精威二穴對拿。其聲不出。必是死症。藥之無濟。有麻方見點。隨卽收入。或瀉青水。審非風寒爲害。唇色慘白。口



氣微也。此乃內虛不能送毒。不可分利止瀉。惟用八珍湯去九以托之。外用葱半斤許。白酒煎。遍身擦之。如再不透發。只額上稍見些微。惟用六君子湯五。循上調治自愈。

有痲初發熱時。心火盛極。刑尅肺金。致痲不出。必先用黃連木通等分服之。再用防風。荆芥。葛根。升麻。南星。枳殼。赤芍。桑皮。柴胡。桔梗。甘草。煎服之。卽發。

有痲疾兼痲症。若痲見點。急用香茹。桔梗。只壳。黃連。厚朴。木通。升麻。赤芍。車前。煎服。痲瘡透發。再治痲疾。此乘輕從重之說。不可不知。

本邑陶二公泮玉之子。麻症發熱方兩日。醫人誤爲除熱。麻伏不出。形狀似驚。差役請予治。面色花雜。喘急不嗽。必有內毒。于太陽穴以口涎擦之。皮內隱有紅點。知是麻毒內攻。無燒不出。用天保采薇湯倍加升麻。乾葛。一服額上見點。色不紅起。面色唇口慘淡無澤。知爲內虛。卽用固真湯。一服通身發熱。陶公驚怖。予曰。麻非帶熱不出。仍服天保采薇湯一劑。通體透發愈。此見面色花雜。便知內毒之一驗也。

培繼棲同學庠友方恒綏一子。麻症隱而不出。形症甚凶。邀予治。見其面色慘白。口氣微冷。唇舌淡白。大便泄瀉。卽用八

珍湯一服。額稍見點。恒綬因姪前痲症殞于泄瀉。力迫止瀉。予曰。分利更虛。不允。見口吻間覺以瀉。閔性命。勉強用五苓散。果止。而額上紅點卽隱。又用十全大補湯內托。外用菝葜酒。蒸引。率不透發。予值事往郡。躡後札示。皮上每發一泡。破卽成窟。附他醫攻毒方單。予札復曰。肌肉脾屬。破卽成窟。乃脾虛之極。何可攻毒。惟用六君子湯顧脾爲主。果效。此望色審竅。萬無一失。分利虛脾。卽此可見之一驗也。

思誠堂同學友措大方薪衍。第五郎患痲症。初醫者不知痲候。用六一散以除燒熱。邀予過治。見其舌純紫。兩唇燥裂。大

小二便皆秘。聲嘶不已。卽用黃連八分。木通黃柏各一錢服。下大便刮白如冷痢然。在座者口吻覺爲涼劑所致。予亦踞蹠滿志。豈臟腑苗竅此症獨不相符。毫不首鼠。問前醫退熱所用何劑。新衍曰六一散。予便恍覺。下元爲六一寒冷所滯。致火不降。灼無疑矣。隨以炒鹽久熨臍下。仍用前味。黃連倍加服之。方下大便燥結與黑棗無異。可見苗竅辨真。治定不爽之一驗也。

一辨傷寒 附寒極似熱

小兒之十指俱冷。以三指按額俱熱。身壯熱。面赤而淡。不動必

掣。此傷寒之症也。表散法。開天門。分陰陽。推三關。體厚則大  
發其汗。揉大陽并外勞宮。運八卦推艮入坎。症輕推之自愈。  
重則用元脊火定之。體弱隨發汗隨止。女反是。治用芎蘇飲  
六十服之。

有寒極似熱者。面色紅如水紅桃花。口渴而唇不乾燥。舌不紅  
紫。大便青色。小便青長。此寒極也。似熱者。因面有紅色。口有  
渴形故也。治之與前法同。

如口作渴。大便秘。小便赤。是內有熱而外傷寒也。宜先表外而  
後清裏爲主。表用芎蘇飲六十。裏用白茯苓半夏陳皮連喬木

通枳壳甘草煎服。

本郡田三公祖之公孫方一歲。抱風寒燒熱症。郡醫見燒有驚悸。便作驚症治。數日不愈。予以三指按額俱熱。兒十指俱冷。用芎蘇飲一劑。留飲席未解。內小童報曰。小相公熱退矣。此燒有表裏。不可不辨之一驗也。

予於癸丑科會試。盛京有鑾儀衛正堂許公。乃孫方歲半。患傷寒症。初延太醫院幼科。失表。後于朝房內予同里員外郎陳是菴道及于予。卽日來貴池館親邀往治。但見身冷如冰。痕毛差七。面色慘晦。不知人事。知寒邪內伏。用天保采薇

湯一劑。囑曰。夜發熱則明日來治。不則莫可如何矣。夜果發熱。仍用前湯一劑。熱又解。許曰。發熱退熱。藥同效異。真出奇也。予曰。尋常症在表感。一劑便解。如令公孫。邪被藥悞伏內。昨一劑攻邪。七到肌表。七見邪目是作熱。仍以原方加追一劑。表解熱除。無甚奇也。許曰。前是菴脩道年翁。乃幼科白眉。今若此。洵名下無虛矣。以白金壽予。辭曰。晚兩代治救嬰兒。從不受謝一文。再四面壁。更欲

延請入太醫院。又辭曰。老母在堂。晚在都門。白雲頻望。承盛意。心領之可矣。許乃止。此閉門殺賊之一徵也。

方伯張存儒初生有公即抱驚風患初郡中醫作夾食用消導劑症加甚後予用半夏四錢生薑一錢防風二錢一服即愈遂拜予爲假父此藥用當而通神之一驗也

子邑張中尊嫜患病邑中醫曾治十餘日不愈會余到邑中尊得聞接余治婢方抱出離座五六步外望見面上光七浮七毫無寶色余曰不須抱近請回中尊問症若何余曰肺氣已絕不可治矣明日果死此望色而知爲死症之驗也

一辨夾食傷寒

小兒十指俱熱我按兒額二指俱冷其候身熱或吐或瀉或不



吐瀉。口必惡食。腹必浮脹。拍如鼓聲。或作痛是也。推法。開大  
門。分陰陽。男女同。男重揉太陽發汗。髀弱揉太陰止之。女反  
是。推上三關三十。退腑六七。下運八卦。重揉良宮。于大指面  
旋推補脾。曲兒小指重揉外勞。于第二指大腸位側推到虎  
口以止瀉。不瀉不推。重按中指一節以止吐。不吐不插。于  
左腳湧泉穴左轉揉之止瀉。不瀉不揉。少頃。右轉揉之止吐。  
不吐不揉。女則右轉右揉止瀉。左轉左揉止吐。推畢即用燈  
火。臍輪四焦。胸口一焦。用水酒麴一枚。火煨黃色。研末白湯  
送下。卽愈。重則用消導。二陳湯十九加柴胡。紫蘇等味。煎服。

珩山孝廉方韻皇乃孫發吐。燒熱微掣。吐輕熱重。余子壻方平。堦初業斯道。投天保采薇湯一劑不效。邀予一見。知爲內傷飲食。外挾風邪。用藿香正氣散一服卽愈。余以湯名曰天保采薇。取其治外治內之意。用之不當。雖多奚益。在子壻以爲症屬內傷外感。湯屬內外並治。渠見不爲非是。然不知症似社鼠城狐。重鎮何可輕發。此學者之所宜知而宜慎也。

一辨腹痛

腹痛。臍以上屬火。臍以下屬寒。其因不一。有寒痛。熱痛。傷食痛。積滯痛。氣不和而痛。脾虛而痛。肝木乘脾而痛。蛔動而痛。數

種寒痛。則面白。口氣冷。大便青色。小便清利。痛之來也。遷緩而不速疾。綿乚不已。痛時以熱手按之。其痛稍止。肚皮冰冷。是也。推法。曲兒小指。重揉外勞宮。推上三關。揉臍五十。藥用干姜。肉桂等分。煎熟。加木香磨水入服。之自愈。

熱痛。則面赤。口氣熱。口渴唇紅。大便秘。小便赤。時痛時止。痛來迅厲。腹形如常。不腫不飽。彈之不响。以熱手按之。其痛愈甚。肚皮滾熱。此真熱也。推用下六腑。水底撈月。蓋熱痛主心脾兩熱。用燈心。車前。伏龍肝。加木香磨水稍許入服。

傷食痛者。必惡食。眼胞必浮腫。或瀉下酸臭。腹必飽脹。彈如鼓。

聲或身作熱是也。如氣不旺者。不宜取瀉。只用消導。三陳湯。

十九

積滯痛者。今日傷。明日傷。逐日傷之。而滯于脾胃間。不以飲食。得其傷。不痛。既有滯。而後以乳食傷。得故痛也。面色黃。噯氣。酸。大便酸臭。便後痛減。足冷嗜臥。不思飲食是也。治宜枳壳。兵榔。木香下之。下後卽以小異攻散十六補之。

氣不和而痛者。兒下地後。或地多濕。兒臍受風。以裹肚束臍過緊。不知見體漸長。束帶未鬆。則上氣不通。下氣以故內氣不和。故作痛也。審其非寒非熱。問其母而臍果有束縛之弊。則

氣不和之痛必矣。治以木香磨水服之。隨用燈火。臍輪六焦。臍下氣海一焦。心口窩一焦。其痛卽止。大兒之氣不和者。其候眼胞不腫。面色不黃。飲食如故。腹腫擊如鼓聲。搖其頭而愛氣是也。宜用木香。陳皮。枳殼。甘草服之。

脾虛痛者。其候面無血氣。微黃帶微白。大便少而色白。治以補脾開胃爲主。用六君子湯九加橘皮。

肝木乘脾痛者。用木剋脾。七虛不勝其剋。則肝氣無所洩。故乘脾之衰而作痛也。其候唇白。口中色淡。面多青色。痛則腹連兩脇。重按其腹則痛止。起手又痛是也。治用四君子湯三十

加柴胡白芍。

蛔痛者。腰曲撲身。口流青涎。痛久不歇。少頃又痛。或一時或二時而止。或歇半日又痛。面黃唇白。此蛔痛也。治用史君子去殼火煨。吃十餘粒。少頃又吃卽止。以上嬰兒腹痛。口不能言。何以知之。蓋見痛必哭。無故而哭者。痛也。哭聲雄慘而雙眉蹙皺是也。如使君子食之不止。不妙於苦練子樹根皮。約一二兩許。水煎一茶鐘。吃下。虫卽盡出。但體弱者不可輕用。又有一種奇痛。一痛只大叫幾聲。痛止。卽抱胸暈死。子家一婢犯此症。先君在日。子見將婢面撲地。用冷水一盆。以婢

藤着水。上三委中穴澆水。狠拍。粗筋腫起。用銀針傍筋打八  
二針。七出血流。叫一声痛。卽甦。隨用冷水滾水各半。連吃一  
二碗。立愈。記先君曰。此急沙也。與轉筋火差似。如平常腹痛。  
從未有。一痛而卽死者。急沙之辨。繫記在此。

夏禹鑄曰。嘗觀內經有曰。胃虛則吐。胃熱則嘔。此說殊屬大  
謬。何也。余屢見吐。七固有虛。當亦有熱。嘔固是熱。卻亦有  
寒。此予匪非議前人。蓋見之多。而治之效也。二症各有虛熱。  
不可拘執。惟望面色唇舌之間。紅則熱。而淡則虛。斷無有悞。  
至于泄瀉。出少而緩曰泄。出多而勢急曰瀉。泄則症輕。瀉則

症重惟以所瀉之色驗之。治無不效。

一吐

胃虛發吐。其候面白神疲。不熱不渴。口氣溫和。面帶微冷。額前微汗。治宜助胃膏三十二。

胃熱發吐。面赤唇紅。煩渴溺赤。口氣丞平。宜用熟石膏七分八分。研細末。神茶送下。

胃氣不和發吐。其候惡食。此由積滯在胃。復爲食傷。搖兒之頭。便噎氣。沿用水酒曲一枚。火煨黃色。研細。白湯調下。用枳椇木香。陳皮。半夏。香附服之。



有長夏外感暑氣而吐者。宜六和湯<sub>三十一</sub>。

有霍亂而吐不出者。手足厥冷。腹臍之上絞痛。名曰轉筋火。治用滾水一碗。冷水一碗。相和飲。不即愈。

有內傷飲食外感風邪而吐者。身燒熱。眼疲倦。治用藿香正氣散<sub>七十一</sub>。

有傷風嘔吐者。治用清金飲<sub>五十八</sub>。

一 瀉

夏禹鑄曰。吐從面色辨之。不爽。湯更宜辨所瀉之色。暴傾下迫。屬火。水液澄清屬寒。老黃色屬心脾肺實熱。宜清。淡黃色屬

虛熱宜補。青色屬寒。宜溫。淡白色屬脾虛。宜補。醬色屬濕氣。

宜蒼朮燥溫。酸臭屬傷食。宜消導。二陳湯干九。

脾虛作瀉。上下白色。或穀食不化。或水液澄清。其候面白神疲。唇口慘淡。舌白。口氣溫冷。治宜理中湯。五加附子。或六君子

湯九

脾熱作瀉。七時暴注下迫。便黃溺赤。口氣蒸手。煩渴少食。治宜五苓散。十八加山梔仁。

有氣虛下陷瀉者。宜補中益氣湯。其候與脾虛差同。

有傷食兼滯瀉者。其候噯醜氣。吞酸脹滿。一瀉則瀉。一瀉痛減。

治宜用大腹皮神曲麥芽山查白朮木香檳榔如食已消痛已止而瀉不止者乃脾失清升之氣宜補中益氣湯三七若食消而腹猶痛乃脾痛也宜小異功散十六

有肝瀉者瀉青稠粘乃肝木乘脾治宜麥冬桔梗白朮白茯苓人參木香酸棗仁甘草

先瀉數日已止又瀉隨發驚此症多不可治蓋瀉而又瀉脾敗之極加之外邪由肺剋肝七有動風剋脾上敗將死不受肝剋故肝風烈極毫無泄處如祛風解熱元氣將盡將謂療驚不能救脾將謂救脾驚不能止無法可治

一吐瀉

夏禹鑄曰。內經有曰。胃虛則吐。脾虛作瀉。脾胃俱虛。吐瀉兼作。此言極謬。若先泄後吐。面白神疲。不熱不渴。額有微汗。乃脾胃虛寒也。宜理中湯五。或小異攻散十六。或六君子湯九。若先吐後瀉。面赤唇燥。煩渴溺赤。乃脾胃有熱也。治宜五苓散。十八加竹茹。煎服。又有積滯在脾。不能運化水谷而吐瀉者。宜用消導一陳湯干九。

有長夏夾暑吐瀉者。宜用六和湯三十。

余髫年硯席友陳公載嫂。患吐症。適余抱風寒。因延大方脉。

用溫胃劑。吐益甚。帶痰往視。口唇紅麗。氣出蒸手。舌色紅紫。用熟石膏一錢研碎。神茶一碗送下。稍止。隨加一錢。立愈。在大人苗竅尚驗。况嬰兒乎。後又患吐。色竅俱同。仍用石膏卻不甚應。揣之下元或有寒氣。用炒鹽熨腹。仍服石膏即愈。可見苗竅顏色從不一悞。

余于歲癸丑北上。到會館。適陳是菴幼郎脾瀉將慢。付予治。問曰。會服參否。是菴曰。如服一分。便爬了上壁。予心以爲南。北或亦有異。轉思初到。

都門。恐孟浪來誚。以六君子湯去人參。連服二劑。了無一效。辭。

接別醫及久。一醫擁輿至館。去後。于請所發劑視之。劑屬消導。因問彼何人斯。是菴曰。此名震

京都之鄭小兒科也。予曰。久瀉將慢。尚可再用消導之藥。用之命不可知矣。乃止。予便不以是菴之言爲正。硬用六君子湯。倍加人參。且外加附子五分。兩服卽愈。是菴歎曰。素聞妙手。今果然矣。此辨色審竅。勿以人言爲信之一驗也。

一辨痢疾

夏禹鑄曰。丹溪云。痢無止法。以通利爲主。此言亦不盡然。何也。痢疾有寒有熱。白者虛寒也。紅者實熱也。治宜調脾爲王。若

染一二日間。身壯熱。膿血稠粘。裏急後重。腹痛者。宜用承氣湯三五以下之。或用木香兵榔丸二六。若虛怯者不可下。病久身涼。自汗。宜用補中益氣湯二七。挾熱而痢。純血。宜用四順清涼飲二八。或黃連芍藥湯于七。挾冷而痢。純白。或乳食不消者。宜用理中湯五。有濕熱之毒。熏蒸清道上。致胃口閉塞而爲噤口者。宜用人參黃連石蓮子。有痢久胃氣虛。則不能乳食而爲噤口者。宜用理中湯五。或六君子湯九。有積毒之氣上冲而嘔惡者。宜用人參敗毒湯二九。有胃氣虛寒而嘔惡者。宜用附子理中湯五。有痢後脾虛不能制水而徧身

浮腫者。宜用六君子湯。外。加蒼朮厚朴猪苓澤瀉黃連芍藥。有痢久脫肛者。經曰肺氣虛寒由脾虛而金無所養。故大腸虛脫而下陷也。宜補脾溫胃。用固腸飲。六五。有積盡而痢人不愈。乃脾氣下陷。宜用補中益氣湯。二七。或四君子湯。三十。若初起。宜用姜茶散。三二。有夾暑熱而痢下赤白相兼者。用清暑益氣湯。六八。加香菇飲。五五。

予長男之日五歲時。與幼甥同患痢疾。男素脾弱。痢起腹並不痛。痢下純膿白色。中帶藍色。口氣微冷。不用通利。卽以六君子湯服之。甥痢純紅。徧身有風疹。用四順清涼飲加防風。



柴胡兩藥。各器同爐煎。姻家誤以男藥與甥服之。風疹卽隱。氣喘促。唾。予急以天保采薇湯與服。疹復出。喘止。仍用前湯數劑愈。此可見脾虛之極。不必清利。硬用補劑。熱痢宜清。不可用補之一驗也。

一辨瘧疾

瘧疾皆由冒感風寒暑濕而發。丹溪有曰。若無汗。要有汗以散邪爲主。若有汗。要止汗以扶正氣爲先。此千古不磨之至論也。發時有一寒一熱。身重。骨節疼痛。自汗多嘔者。濕瘧也。由汗出脫衣。衝冒風寒。或渴極過飲冷水。或冷水浴身所致。有

食瘧者。食所傷。由飲食過度。傷寒所致。俱用柴胡。前胡。青皮。陳皮。蒼朮。白朮。白茯苓。甘草。豬苓。澤瀉。知母。貝母。厚朴。半夏。黃栢。等分。姜棗引。服一劑。以清之。于發瘧日之五鼓。空心以前。方加恆山。檳榔。草菓仁等分。煎服。以截之。卽愈。如久瘧不止。致中氣弱極。名曰脾寒。用四獸飲。三三加棗姜。服五六劑。自愈。

夏禹鑄曰。有陰虛似瘧。竟作瘧治者。這般人。卻沒有一毫心思。一綫想頭。夫謂之曰似。則兩症相去原是星澗。卽曰似瘧。亦祇似其瘧之脾寒。試問普天下人。可有瘧一起。而就成脾寒。

者。是必始于清之無法。繼又截之無方。或從不服藥。相延日久。纔到脾寒之症。明也。有這一條來路。若一見每日下午身有潮熱。冷狀颯也。便作瘧治。獨不相到瘧有來路。况脾瘧由重減輕。陰虛由輕加重。兩症判然。竟不知別。此一種心竅。試取黑漆皮燈籠與之相况。當耶不。

陰虛似瘧。如潮熱稍重于作寒。治用四物湯。四士加人參。如心肺肝有熱。雖湯內已有熟地。再外加生地。如作寒稍重于潮熱。四物湯外加黃芪。人參。甘草等分。參減半。如潮熱作寒俱輕。只用四物湯。不須外加。如女患此。加紅花二三分。

幼  
科  
鐵  
鏡  
  
卷  
之  
四

一  
二  
六

卷  
之  
四  
終

幼科鐵鏡卷之五

貴池卓溪夏禹鑄氏手著

受業弟邑庠鐸禹懸

男

邑庠之日孟然

郡庠之雲飛霖仝叅

一辨咳嗽

夏禹鑄曰。前書只說風寒暑濕燥火六淫之邪氣侵肺。皆令人嗽。又曰。五臟六腑皆有嗽。非獨在肺。此僅言咳嗽之太綱。卒未透發六淫侵肺之顏色與臟腑俱嗽之分別。予憶其故。必

從大方脉書上採來。惟照脉論症。故不說到六淫侵肺的顏色。亦未分疏臟腑致嗽的根由。卽言一二形症。俱屬模糊。予把六淫侵肺臟腑皆嗽這八個字上一一體出形色。歷葉不爽。若風寒濕三邪侵肺。其候面白而畏風。燒熱而無汗。或頭疼。或鼻流清涕。唇色晦闇。痰涎白色。或滑而易出。小便清長。便知爲風寒與濕氣所侵。宜用疏風順氣湯。七二。或清肺飲。七三。去白朮。加防風。便愈。

人侵肺嗽與火炎無制相同。方見後。若燥侵肺嗽。其候頭面汗出。寒熱往來。皮膚乾燥。皮瘡搔癢。大便閉結。痰涎膠粘。治法

潤肺清金之劑。用麥冬、貝母、冬花、黃芩、防風、麻仁、甘艸、赤芍、陳皮。暑氣侵肺而嗽。其候口渴唇淡。治宜香茹、厚朴、扁豆、加冬花、麥冬。至於六腑皆嗽之說。殊屬大概。予着實窮究。六淫之外。嗽又有五。一順傳。一逆尅。一反侮。一隔經傳染。一水火不相交濟。

順傳之嗽在脾。七不能生金。金無上養。故嗽。漢武帝金鐘自鳴。東方朔曰。土其母也。母喪則子鳴。山必有崩者。久之。蜀郡有奏山崩。以此悟之。脾虛肺嗽。乃一定之理。其候唇口慘白。氣弱神疲。小便清短。大便或溏瀉。淡々白色。便知脾嗽。治用六

君子湯自愈无。

逆尅之嗽在心。心火盛則金被火傷而嗽。試觀治人煉金。人烈而金躍。息火則金安。嘗閱徐無猜地理闡宗書。有曰。如金星結穴。火星作朝。此外火尅內。不爲吉穴。須兩旁有水星山現。則制火以救金。始爲吉。因此悟火尅金沸。亦一定之理。其候舌紅唇燥。小便赤澁。口氣蒸手。便知心火尅金。法惟瀉心。用貝母陳皮甘州黃連木通杏仁麥冬五朮等分。燈心引煎服。三四劑自愈。

弱尅之嗽在肝。上有制伏。肝始不旺。如肺弱。木強侮金。則肺乃



被侮而嗽。星士家書云。我尅者爲妻財。乃知肝猶肺之妻也。彼河東獅吼。必因夫主柔弱。便恃強侮夫。肝侮肺嗽。又一定之理。其候目勇口苦。宜用白芍柴胡冬花五味枳殼半夏甘草等分。前服。五劑自愈。

水火不相交。濟之嗽。由腎水不能上升。則火炎無制。乃上刑肺金而嗽。猶之易之未濟。離火居上。坎水居下。水不得火而無功。火不得水而功亦無所施。水火不相交。故不各得其用。若既濟則爲有用矣。况五行惟火最烈。故昔有慾火無制。口中吐出。祆廟俱焚者。由此觀之。豈止嗽耶。其症涕唾帶血。甚至

血溢。治用滋陰降火湯四五。二三劑自愈。屢治屢效。案難悉載。

隔經傳染之嗽在胃。上有熱。因染乎肺而嗽。肺胃各經順傳。不到逆尅。不及又不相侮。胡爲亦嗽。乃由胃肺逼隣。胃司食入。肺司氣出。匕入雖不同途。卻共呼吸門戶。胃熱熏蒸。波及肺竅。所謂矢火硃魚。亡猿災木者是也。其候唇紅。口紅作渴。氣出大熱。治用石膏冬花麻仁五味甘草。

以上諸嗽如喘。加麥冬天冬。如咳有聲無痰。加杏仁防風。有聲有痰。加半夏枳椇。

余于本經咳嗽外。復將此五種旁引曲愈。無非爲嗽雖出自肺家。而卻有隔經之嗽。理實難明。故不惜多方以譬明耳。幸毋以卮言罪我。

二平世業醫道。地距四十餘里。一孫咳嗽。自藥不應。以形色札白之予。併來藥單。乃瀉肺之味。據曰面舌唇口皆紅。小便赤色。予札復。示以瀉心之劑。後聞三劑愈。此心火刑金。瀉心救肺之一驗也。

一痘後痘有專科。痘中症候不載。惟于痘後至緊要症附傳數方。

一泄瀉。唇口淡白。瘡壓平白。小便清。宜用六君子湯丸。

一痘瘡壓平白宜用保元湯干二。

一痘壓不落七過者亦平白宜用八珍湯六九。

一痘中眼內生翳子宜用瓦糞焙之爲末每服三四錢白水送下服至升餘卽散。

一痘後瘡壓或紅腫紫腫黑腫急宜解毒用生地連翹歸尾甘草赤芍等服三四劑毒自解。

郡城孝廉危夷原兩媛痘後一愆期不收一收後痘壓尋日俱有微熱邀予過治見唇口慘白氣出微微并用十全大補湯服二劑熱除靨脫俱轉紅潤隨以保元湯干二調服之愈。

此望色審脈。知血氣兩虛之一驗也。

一辨諸血

肺朝百脈之氣。肝統諸經之血。蓋榮血者。水穀之精氣也。脾胃有傷。榮衛虛弱。故血失常道而妄行。若氣虛氣弱。神疲。唇有血色者。治法宜用四君子湯三土。

血虛者。精神照原。唇舌無色。治用四物湯四土。加參朮。糞前見血爲近血。用黃連解毒湯十七。糞後見血爲遠血。用清胃湯四二。不止者用補中益氣湯三七。加胡黃連。

吐血者。胃中積熱。宜麥門冬飲四二。或清胃湯四二。

咯血者。脾熱傳肺。而肺不能統。血從鼻出。宜六君子湯。五加桔梗當歸。梔仁黃芩。

咯血者。腎虛也。咯如牝雞喚乳雞聲。嬰兒無此症。一

有咳嗽而吐血者。庸醫多以童子癆治之。悞矣。此乃腎水心火不相升降。火炎無制。治宜滋陰降火湯〔四五〕。

夏禹鑄曰。諸般失血。有面色可審。俱屬尋常。惟血脫。嗽血二種。症不多見。用錄效案。以憑較證。子友陳公載。姪女七歲。血吐數升。身冷如水。通身筋現青色。平常撲跌處。青更甚。唇口慘白。口氣微冷。此乃氣虛血脫。初大方脈作肺熱迫血妄行。

用梔仁黃芩等味。吐愈甚。此固照理用劑。卻不知看色之妙。後予用人參黃芪肉桂麥冬甘艸白茯苓三劑而愈。此氣虛脫血望形審數之一驗也。咳嗽帶血。方見咳嗽類。用滋陰降火湯四五。屢用屢效。症無疑二。故不附案。

一辨中暑中熱

夏禹鑄曰。前疇云。動而得之爲中熱。靜而得之爲中暑。此言甚是。然中暑與中熱。病形無異。中暑作渴。中熱亦作渴。中熱說詭話。中暑亦說詭話。若不細審形色。雖得動靜二字。究何益也。如探中暑說詭話。乃低聲平匕而說。中熱發狂雄壯而說。

此猶恐不得其真。只于口中一看。舌色慘白。唇無血色。口氣微弱而冷。便是中暑。宜用清暑益氣湯六八。立愈。若唇舌皆紅。氣出如焚。小便赤澀。定是心經中熱。宜用木通薄荷煎。熟再以犀角磨水一杯。羚羊角磨水半杯。入煎藥和服。卽解。已亥歲。子從伯一孫方四歲。患病初。伯與先君交惡已久。伯母呼子往治。舉至。阻撓且畏之曰。彼孫一死。禍來匪輕。子曰。具有兩眼。不煩過慮。視之。口氣微微。面色慘極。唇舌白淡。口道誕話。知爲中暑。用清暑益氣湯一服愈。

穿山郡庠方紹文。僅一子。乃子壻十七歲。抱疾。以予只知幼



科。延兩方脉共治。彼見口說詭話。便作熱治。用盡犀角翹連  
芩膏涼劑。疾益加甚。急聞于予。予往見直臥如尸。口氣水冷。  
唇舌皆白。乃中暑之症。悞作中熱。大可怪也。用清暑益氣湯。  
一服立愈。此大方脉切脉。不如小兒科望色辨竅爲妙之一  
證也。

### 辨夜啼

夜啼有六。一面深紅多淚。無燈則啼稍息。見燈則啼愈甚。此心  
熱也。遇火兩陽相搏。故見燈而啼甚也。其候手腹必熱。小便  
赤。推用水底撈月引水。上天河。退下六腑及通八卦。推坎入

良藥用導赤散三加梔仁薄荷天麻。

一哭多睡少天明則已面色青白便亦清白治宜溫下焦用備急方七四。

一爲異物所侵目有所視口不能言但睡中驚悸抱母大哭面色紫黑治宜陳皮生姜茯神遠志甘艸服此仍啼當審其果不犯諸夜啼等症可將雜色紙作一異物狀令見一視卽對見以火焚之見疑頓釋自不啼矣。

有脾胃兩虛吐瀉少食而啼者治宜用六君子湯五加炮姜木香。

一有心血不足而啼者。其候睡濃忽悸。舌色淡白而色不重。宜用安神湯〔四八〕。

一有臍寒腸痛而啼者。以手按其腹卽不啼。起手又啼。此候面必青。手必冷。口不吮乳。治用當歸。白芍。人參。甘草。桔梗。橘皮。等分服之。外此而啼者。必非病也。或夜醒時爲戲燈所慣。無燈而啼者有之。或乳母缺乳而啼者有之。

### 一辨疳疾

疳者乾而瘦也。此由寒熱失理。飲食不節。或因吐久。瀉久。痢久。瘡久。熱久。汗久。咳久。瘡久。以致脾胃虧損。亡失津液而成也。

心疳者。面黃頰赤。小便赤澀。口舌生瘡。煩渴。治宜寧心丸。五土疳疳者。肌肉消瘦。目胞赤腫。翳生泪多。白膜遮睛。瘍多青色。治

用肝疳丸。五二。

脾疳。黃瘦腹大。或吃土。吃米。吃茶。宜調脾湯。十三。

肺疳。潮熱喘嗽。鼻爛流涕。宜先用清肺湯。七二。次用化愚丸。三五。疳腫者。乃由疳久脾衰。不能制水。故頭面四肢發腫。脹甚者。禡一子丸。五三。大喘者不治。

丁奚腹大。項細。哺露。翻食吐蛔。宜蘆薈會丸。十五。

赤遊丹火

此候由內有積熱重蒸。外被風熱所感。搏於血氣。皮膚赤腫。色如火灼。或注頭上。或發肢體。卻非輕症。入腹入腎亦能殺人。宜速治之。用升麻。黃芩。連翹各一錢。大黃。朴硝各二錢。全煎服四五劑自愈。

余同袍胡道生乃孫。頭患丹火。接余治。用前方。服二劑不退。又以价來請。余以札復曰。此症非輕。非一二服可愈。宜重用各味五六劑。定然見效。後如數服。愈。前歲余宗人有一女患此症。余囑曰。此重症也。不可怠緩。不聽。果死。

### 淋症

有沙淋者。腎水爲熱所結。化爲沙石。內塞水道。沙出痛止。治用  
五淋散。四六氣淋者。小腹脹滿。小便澀滯而痛。用瀉白散。三  
血淋者。心熱血散。治用五淋散。四六加小薊滑石車前子。寒  
淋者。膀胱冷氣與正氣交爭。寒戰而後溺。治用六味地黃丸  
。干四加附子。肉桂。有心熱者。用清心蓮子飲。五六腎熱者。用  
六味地黃丸。干四肝熱者。用柴胡梔子飲。六四脾熱者。用蓮  
黃散。三八脾虛者。用小異攻散。干六肺熱者。用瀉白散。  
肺虛熱者。治用小異攻散。干六加炒山梔。

以上心熱等七種淋症。辨法在辨脾心肺肝腎之欵內求之。

便濁

屎白如米泔水。久則成疝。用人參甘州當丹木通猪苓赤芍赤茯苓青皮川芎薤白治之。

大便不通

肺與大腸有熱。七則津液少而便閉。治用四順清涼飲。三八血虛燥滯不通者。治用四物湯。四十一加栢子仁。松子仁。胡桃仁。等分服之。

同邑紳徐梅宣公。痘後四十日。大便閉有七日。他醫以承氣湯單投之。予鼻氏時在徐宅。力薦請予。往視之。曰。血虛之

極幸未通利。通則不可藥矣。梅宜且幸且疑梗。用四物湯。一服便出。乃溏糞帶白色。梅宜拍案叫絕曰。一望卽知。神何至此。前庸手幾敗乃事。此望色審竅。知非肺熱之一驗也。

小便不通

小便不通。由肺燥不能生水。當清肺中之熱。而滋腎水之源。治宜用黃芩黃連天花粉知母麥冬茯苓木通甘艸等分服之。若脾濕氣不上升。當健脾生金。先用瀉黃散三八。隨用六君子湯九。若膀胱有熱。澁滯其流。治用五苓散十八。

出汗



汗者。寢中通身如浴。覺來方知。屬陰虛。榮血之所主也。治宜四物湯(四)加黃芪。浮小麥。黃連煎服。有自汗者。不時而出。動則乃息。屬陽虛。衛氣之所司也。治宜補中益氣湯(三)加麻黃根。浮小麥。七門冬煎服。有脾虛泄瀉。自汗而汗出有時者。此症大虛。治宜六君子湯(五)或附子理中湯(五)。姜棗引煎服。

### 黃疸

黃疸。其候色黃。屬脾。蓋小兒由飲食所傷。兼之濕熱之氣蘊積脾胃。故成此症。面目指爪小便遍身皆黃。疸症無疑。治用地

黃茵陳湯<sub>七</sub>

辨腫脹

腫脹之症有二。一曰氣腫。先腫而後喘。由脾胃虛弱。脾主肌肉。肺主皮膚。土弱不能生金。虛氣上攻乎肺。行于面目。遍身浮腫也。治宜調脾行氣爲主。用五子五皮湯<sub>三七</sub>等分煎服。輕則六劑。重則十劑。無有不愈。

一曰水腫。先喘而後腫。因上焦煩渴。喜飲茶水。脾虛不能制水。水反侮土。上衝乎肺。流走皮膚而光腫也。治宜寔脾利水爲主。用胃苓湯<sub>二二</sub>。又湯後痢後。瘡諸病後。脾虛發腫者。宜調

脾胃爲主。用六君子湯九。或補中益氣湯二七切。不可用通  
藥如通。萬不能活。如因瘧痢諸病後。衰然而腫脹者。方從  
水氣二腫治之。此方卽大方脉家用之。亦無一不效。如通身  
不腫。只有腹腫。彈之如鼓聲。按之卻綿軟。此脾虛也。宜用六  
君子湯九。加厚朴。若腹腫。彈之不響。按之如石。此單腹脹也。  
不治之症。

### 三消

三消之症。實熱者少。虛熱者多。不足之症也。若作有餘治之。悞  
矣。始而心肺消渴。或脾胃消中。或腎水消濁。傳染日久。則腸

胃合消。五臟乾燥。精神倦怠。以致消瘦四肢。

消渴。心火動而消上。上消乎心。移熱于肺。渴飲茶水。飲之又渴。

名曰上消。治宜蓮花飲。七五為主。次以生津四物湯。川芎八

分。歸身一錢。生地一錢。酒洗知母一錢。白芍一錢。用水紙包麥冬

錢。去心川連八分。烏梅肉五分。天花粉七分。薄荷。石蓮肉。川

黃柏。蜜炒甘艸。各五分。

消肌脾火動而消中。七消于脾。移熱于胃。喜多食。七無足時。小

便色黃。名曰中消。应用石膏。知母。甘艸。人參。倍加石膏。外

粳米。次宜生津養脾。

消濁。火動消腎。移熱于膀胱。小便渾濁。色如膏脂。名曰下消。宜用蓮子知母芡寔麥冬。入四物湯服之。

元消症。務要養脾生肺。降火滋陰。病自除矣。

總治三消。以生血爲主。用黃連。天花粉。二味爲末。藕汁。生地汁。生姜汁。人乳并密。共和。二末爲糕。每次一指面大。白湯送下。

### 膀胱氣痛

嬰兒小腸與膀胱氣痛。在臍下氣海兩邊。筋脰到腎囊邊。痛不可抵。治用川練子。橘核。小茴香。荔枝核。俱焙炒爲末。白酒熟調三四錢一服。不數服卽愈。

### 呆笑

兒無甚病。忽然見人呵叱而笑。卽不見人亦然。每日如是。宜用  
桔梗三錢。半夏五錢。木通一錢。甘艸五錢。煎服。隨于頂心百  
會穴。艾灸二壯。卽愈。

### 不寐多困

嬰兒不睡。有一心虛。一胆虛。睡中不聞人聲。忽醒而不寐者。  
此心血不足。宜用人參安神丸。四八。有睡中稍聞人聲响動。  
卽驚而不寐者。此胆虛之極。宜用參竹湯。七五。

多睡者脾氣虛弱。健運之合不行。而嗜臥也。治宜溫補其脾。用

四君子湯三十加木香半夏倍加白朮。

### 龜胸

由感風熱凝注爲痰。停心滯胸。咳嗽喘促。肺氣脹滿。攻于胸膈。漸成龜胸。或乳母過食辛辣。夏哺熱乳。亦成此症。治宜寬氣化痰丸天三。

### 龜背

由客風吹背。傳入于髓。故背突如龜。或咳嗽久。以致肺虛。腎無所生。腎主骨。風寒乘虛而入于筋骨。致精血不能流通。故骨弓而駝。治宜拈蕊丹天三。外以龜尿點脊背中止縫。卽愈。

### 論解顛顛填顛陷

小兒生下頭縫不合。腎主骨而腦爲髓海。腎有虧故不合也。名曰解顛。治宜六味地黃丸十四。顛門之起名曰顛填宜大連翹飲四。或瀉青湯五七。顛陷如坑者。由病久血氣虛弱不能土充。治宜固真湯下。又以狗骨炙爲末。雞子清調敷之。

### 乾瘦似疳

兒父母平常節兒飲食。從不復脾。飲食不缺欠。又非病後。但見逐日消瘦。其症必由有所思想而難言。或二三歲四五歲貴。母又有所生乳哺懷中。多有疼愛之聲。前兒從傍窺伺。見其



愛有所奪。不能入懷吮乳。惟朝思暮想。久則傷脾。治之非藥所及。此症前所未傳。今不概見。余先君在日。余妹歸寧。見長甥乾瘦。審無他症。頃見妹哺次甥。長甥倚膝。覺神不在舍。因問于妹。瘦始十何日。妹曰。自得次甥後。經今月餘矣。先君命妹哺兒之時。勿令瘦甥得見。哺後陽抱入懷。以空乳喂之。且慰之曰。我只疼你。如此一月。果不藥而肥。追思先君。妙何如也。神何如也。

### 天柱骨倒

天柱骨倒。乃項軟也。由真氣虛弱。客邪入腑。傳子筋骨。項則軟。

垂下而無力。治宜祛風散四四。或吐久。瀉久。病久而軟者。治宜六君子湯五。加肉桂。手軟者。宜用慧苡仁。當歸。秦艽。棗仁。防風。羌活。荆芥。等分服之。足軟者。治宜六味地黃十四。加牛膝。五加皮。鹿茸。等分服之。

予從弟鐸。禹懸孫。方十個月。天柱骨倒。弟曰。弱極。卽要用參。予曰。容邪入內。何可遽用。弟意不果。予作色拒之。用祛風散作煎劑。一服。頂稍直。卽命用六君子湯。外加防風。五劑愈。

五硬

頭頸手足強直如小。乃肝受風邪。治宜小續命湯五九。

齒病口疳瘡

此病由胎中受熱而成。口瘡。或牙床疳生走馬。治宜導赤散。并清胃湯。四二。如久病之後。瘦弱之極。難治之症。

重膠重齦

口中上腭皮腫起。如囊盛水。名曰重膠。牙牀腫起。名曰重齦。俱以大針刺破去血。用蒲黃敷之。

耳癰

耳內腫及耳外腫。耳外出膿。或間一日膿一出。或間二日膿一出。治宜用黃鱔。以刀斬斷。滴血入耳數次。或用天保米薇湯。

### 重舌木舌

重舌者。舌下根復生如小舌也。木舌者。其舌腫硬填口也。皆由心脾熱極。治用黃連。灶心土。木通。連翹等分煎。犀角磨水和藥服之。用朴硝。紫雪。白鹽。每五分。用竹瀝調敷。卽愈。

予于丙午科。同從弟鐸。再從姪謨。鄉試曰下。姪忽患重舌。弟伴向外科。用刀刺破。流出如雞蛋清。歸寓又腫。如此兩回不愈。予執舌乃心苗立方。用黃連。黃芩。木通。枳椇。甘艸。二劑。舌消一半。喉痰忽壅。予揣必是悞用黃芩之弊。蓋心火刑肺。已不安。悞將肺瀉焉。不痰壅。于是去黃芩。加五味二錢。一劑。

並愈。此因苗治臆。照症立方。見藥不可悞用之一驗也。

### 鶴膝瘋

此候由腎氣不足。兩腿細小。膝骨腫大如鶴膝之狀。治宜屈膝散六六。或用六味地黃丸。干四加牛膝。鹿茸。又有濕痢久而成此症者。紅腫作痛成膿。治用補中益氣湯。三七。如腫硬不痛而色白者。治不愈也。

### 痛瘋

四肢上或身上一處腫痛。或移動他處。色紅不圓塊。參差腫起。按之滾熱。便是痛瘋。治用羌活獨活五加皮威靈仙秦芍防

風桂枝前胡。如下身。加牛膝。各一錢煎服。數劑自愈。

邑庠方玉相幼子。左手左足各曲。貼肉痛。屈不伸。用前方煎服。五劑愈。如大人須用酒煮。每夜儘量飲。每味一兩五錢。煮酒約五六斤。飲畢卽愈。此予創方。屢效不爽。

### 冷水瓶

脚背上與指上。及解溪。鞋帶諸所。塊痛不可言。一痛幾死。用青磚一塊。火內燒紅。以木桶盛之。將老醋澆入磚上。以大人手伴兒脚懸于磚上。蒸之。氣莽則將脚稍遠。氣溫則就磚。桶口以綿絮之類圍塞。不令氣洩。一蒸卽驗如神。

迅雷所驚

其候抽掣。形狀與前驚無異。只手掌內橫直紋痕。皆是深黃顏色。此因驚胆。其色故黃。拿甦。用鼓對兒。輕七敲起。漸七加重。重擊二三聲。持去鼓以解疑。卽服參竹湯。七五以寧胆。

穿山林宅諱。祥者。一千四歲。腊月被爆竹驚死。拿甦。如父母喚聲畧重。又驚死。與飲食時。先以食示之。再做聲。便不驚。其父亦業幼科。投以棗仁。遠志等味。不效。至予告其顛末。余曰。此胆家受病。作心家醫。悞矣。余授以參竹湯。二劑愈。

天庖瘡

此由風和毒氣客于皮膚。搏于血氣而生。始生如湯盪作泡。一破漿出成瘡。治用生地升麻藍葉山梔大黃各一兩。剉碎。用猪油八兩。文武火煎色變。濾去渣。磁器盛之。塗患處。

### 癩瘡

其狀如粟粒。色赤而癢。夏月多生。頭面或遍身。用天保采薇湯。〔二〕等分煎服。

### 黃水瘡

由濕熱與血氣相搏。其瘡初生。碎小。後有膿汁。浸淫成瘡。用雄黃雌黃川烏各一兩。松香三錢。爲末。亂髮一團。燒灰存性。猪



油六兩熬化。再入三味。煎至髮消盡。以綿濾去渣。入一黃攪勻。盛器塗瘡上。

### 惡核瘰癧

此患由風熱毒邪與血氣相搏。鬱結成核。如貫珠于耳項之間。腫硬白色。搖奪不動。而有根者。便是瘰癧。或潰爛成惡。治如用藥。多有不效。不妙于用燈火。至易而至效。予亦曾患此。用燈燂兩次即愈。今故以燈火燂法垂于身之背面圖。如瘰癧左則燂左邊。瘰癧在右則燂右邊。前自頸上耳脚下起。離六分地一點。一點直下乳。次過脇上。至肺俞穴。到頸上耳後止。在

癩上周圍亦燠。第二次照原路空處補之。便愈。若只有核而搖得動者。便不是癩癧。初起紅腫。便是癰疽。不可作癩癧治。

偏墜

腎囊子或一個腫大一個小。用香菇厚朴只壳。煨汁木通扁豆。生姜甘艸車前葉煎服。或用萬年青根約五寸。去黑皮搗碎。白酒煎服。不吃渣。亦愈。

莖腫痛并腎囊腫

莖卽陽物。如腫。用黃連木通各一糸煎服卽愈。

腎囊腫如琉璃燈樣。用塘內水上無根浮萍。以篩盛之。下用水

一盆置篩于盆上。烈日晒乾。爲末。每服二匙。卽消腫痛。如用鍋焙萬上不乾。

灸霍亂

霍亂灸臑崙穴七壯。起死神效。

灸瘧母

瘧母灸肺俞穴各三壯。背對臍穴三壯。神效。

灸脫肛

脫肛灸龜尾穴。症暫用補中益氣湯。服此乃肺氣下陷。

灸肚大青筋

肚大青筋。堅如鉄石。于臍之上下左右。離五分地。各灸二壯。卽消。

灸犬傷

犬傷。用青磚上青苔和牛糞。搗爛。如被瘋犬傷。于患處。灸三壯。卽愈。

灸蛇傷

蛇傷。于患處。灸三壯。

以上灸法。俱用獨蒜。切片。遮患處。盛艾于上。灸之。

疔瘡惡瘡。癰疽百膏異方

水粉。黃蠟各五。寒水石一兩。研細。乳香二條。去油。蘇油三兩。先入鍋滾過。入蠟化開。再入粉石。再入粉石熬成。入乳香攪勻成膏。貼之即愈。

貼骨疔口掛角各疔瘡發背腦癰大人小兒同治丹

疔瘡發背。腦癰。髮疽。乳癰。一切無名腫毒。用飛龍奪命丹服之。便有頭。先不痛不癢者。服之便痛便癢。未成者內消。已成者即潰。其毒化爲黑水。從小便中出。此乃惡瘡毒中之仙丹。用蟬酥乾者酒化。二條。胆礬一錢。海羊虫二十個。雄黃三錢。輕粉五分。蜈蚣一條。去首射香片腦各五分。共爲細末。酒爲丸。如綠豆大。每服三九。用足。

葱白三根。長三寸。自嚼爛。吐在男左女右掌心。以前丸裏于葱內。熱水酒三四鍾送下。厚被蓋之取汗。約頓飯之時。再用熱酒催助汗出。其毒卽消。如汗不出。其毒乃重。再服三丸。汗出卽效。只是發背。疔瘡。方可取汗。此方予于

都門許宅香火院住持小西天喇嗎僧處傳來。不論大小老幼。如有前患。用之無有不效。

卷之五終

幼科鐵鏡卷之六

貴池車溪叟夏鼎禹鑄氏手著

受業弟邑庠鐸禹懸

男 邑庠之日孟然

郡庠之雲飛霖全泰

藥性小引

醫家治病。如經生制葢然。病有表裏重輕。猶題有大小搭截。病有來路去路。用藥有清源塞流之法。猶題有上文下文。作文有承上合下之規。藥味猶貢詮題面之字眼。藥性猶字眼義意之

淺深。體認不明。便成差謬。不觀之卜子夏乎。於素以爲綸詩。只因一句滑讀過。便不解爲字之義。則醫家下學於百藥之性。可昧昧焉。而不一爲之究耶。余前按症列單。因病用藥。固矣。然茫然不知性。倘症變裁方。何所措手。爰約畧幼科常用百味之性。列於篇左。以便詳究。以供採擇焉。

藥性賦幼科摘要

寒性。犀角解乎心熱。羚羊清乎肺肝。澤瀉利水通淋而補陰。不足。薏苡能理腳氣而風濕堪除。車前子明目止瀉。能清小便。瓜蒌子潤肺止嗽。下氣寬中。黃栢瀉膀胱而補腎。薄荷消諸腫。



以清風寬中下氣。枳椇緩而枳實速。療肌解表。柴胡次而乾葛先。柴胡瀉肝。止兩脇之痛。枳實削積。除久滯之痰。百部治肺熱。於咳嗽可止。梔子涼心腎。而鼻衄最宜。升麻力消風熱。發散瘡麻。足陰引氣升陽。導藥遊經有四。麥冬清心解渴。專除肺熱。清肺隱伏之火。生肺不足之金。金箔乃鎮心而安魂魄。茵陳除濕熱而治胎黃。石膏墜頭痛。兼清脾胃。天冬定肺喘。又潤心肝。大黃能通閉結。朴硝降火通開。前胡除內外之實痰。滑石利六腑之滯結。熟地黃滋腎水。補益真陰。生地黃涼心火。肺脾解熱。赤芍藥有血而療腹痛。煩熱亦解。白芍藥補虛兼瀉肝火。新血能

生香附子理氣。有消浮退腫之功。知母滋陰。乃瀉腎除蒸之用。貝母清熱痰而利心肺。寒痰愈滯。桔梗通肺竅而傳諸葉。肺部引經。黃芩瀉大腸之火。肺寒勿用。常山攻痰結之味。勦瘴九強。葶藶予止肺喘以通水氣。水藕節消瘀血而止衄紅。大黃朴硝乃脾虛送死之鳩毒。黃連貝母乃寒痰伐命之鴆斤。

夏禹鑄曰。大黃猶之一員猛將。朴硝卻是偏裨。如賊勢猖獗。負踞要衝。用之舉旗折馘。一出成功。若民遭困苦之餘。平定安集尚恐不及。亦輕爲調遣。不惟無地樹功。而且賊梳兵篋。輕用之害。慘不可言。果肺火焰天。大腸毒結。一用則瞬息通。

關。至於臟腑俱虛。或氣虛腫脹。損用則掃盡元氣。不刃而殺人矣。嗟。七夜臺黑暗地獄之設。舍殺人者其誰。此種堅牢疇能解脫。一能筋斗翻來。斬新日月。縱有前番罪孽。是卽向世尊懺悔。便作光明會上。一位大菩薩。

熱性。生薑發散。除乎胃嘔。胃熱切不可用。五味止嗽。且滋腎水。初嗽不可遽加。川芎能祛風濕。清頭補血。紫蘇力能表散。亦可助脾。麻黃散寒邪以發表。根止盜汗而固虛。白朮消濕痰而溫胃。利水道以強脾。丁香快脾胃以止吐逆。附子療虛寒大壯元陽。當歸補虛以養血。獨活祛風以治瘋。厚朴溫胃且消嘔脹。

除痰亦驗。肉桂而療冷瀉。止汗如神。橘紅皮開胃去痰。導滯滯之逆氣。山茱肉治頭昏暈上。下部之遺精。

夏禹鑄曰。附子之性有富貴的力量。用之貴。小心謹慎。譬之富貴家凶年發賑。在細民之既飢且寒者受之。則雙眉喜溢。如枯木逢春。在廉介之士。雖橫窺無壁。壯氣不衰。悞爲過問。必髮直衝冠。以是知脾氣兩虛。元陽亡失。虛極生寒。體如水雪。口中寒氣逼人。一用如石投水。不特莫之逆也。且同流爆就燥。如只虛而不寒。卽寒不到陰極地位。形勢猶能自立。一用如水投石。不特莫之受也。而且水火參商。是知宜用不怕。

朝夕不宜卻怕分厘。語云。恩不在大。貴期當厄。怨不在大。只怕傷心。可爲輕用。附子者作一箴規。

溫性。木香理乎滯氣。半夏主於風痰。蒼朮燥脾去濕。山藥脾濕能醫。藿香藟止吐溫胃。能消喉響之痰。痰。款冬花潤肺去痰。又定久嗽之壅喘。草薺仁溫脾胃以止瘧。威靈仙宜瘋氣以除疼。茴香却膀胱疝氣之痛。秦艽去肢節腫痛之瘋。檳榔墜痰逐水。治痢疾之後重如神。訶子生津潤肺。療滑瀉之沉疴似聖。防風祛風。杜仲益腎。橘核止腰疼。疝氣之急痛。麻仁潤肺及六腑之燥堅。黃耆實腠理。益元氣。外固表虛之汗。肉豆蔻溫中。止霍

亂更助脾臟之虛。生薑皮能消浮腫。鈞鈞藤專定驚風。

夏禹鑄曰。黃耆之性溫。內分實腠理。益元氣。外固表。虛之盜汗。內托陰證之瘡瘍。乃脾家氣分之第一種固虛藥也。故仲景有曰。黃耆。甘艸。以益元氣之內。人參。肉桂。調和榮衛之中。人動曰提氣。只知道一個氣字。那知道人身上氣有兩種。主乎脾者。氣之元也。主乎肺者。氣之發也。脾之元氣。猶每歲之爲生。爲長。爲收。爲藏。內運之氣是也。肺發之氣。猶山嶽之晴嵐。郵落之烟霧。溪壑之陰雲。碧海之樓市。外發之氣也。不能分別兩種各有所司。猥曰提氣。嗟。七黃芪。何曾走着脾家。又

何曾埋着肺氣。把扶正氣的一味聖藥看壞了。致令脾氣弱。症卒不敢用。不亦深可悼哉。予推其故。冬日肺部有邪。氣喘氣促。那醫家不去清肺之邪。而遽爲扶脾之氣。適湊其會。氣愈喘愈促。便誣賴到黃芪身上。不然。黃芪與肺何涉。而亦亂道提氣耶。若以予言爲謬。試到明醫處。把黃芪溫肉分。實腠理。益元氣。固盜汗。這幾個字。幾種性細問一番。庶可脫離無間獄。步入明鏡臺矣。

平性。青皮利脾胃。快膈削積。天麻定驚癇。燥濕祛風。甘艸調燮。陰陽。解毒百毒。生用乃瀉心經之火。人參寧心潤肺。助胃開

脾生津扶氣。肺熱反來傷肺之憂。南星去驚風痰吐之苦。棗仁有補心去怔之功。大腹皮消浮下氣。亦能和胃。遠志肉遺精能止。而寧心。木通猪苓並爲利水之神。蓮肉醒脾更有清心之妙。白茯苓補虛勞。心脾俱到。曰茯神寧心臟。驚悸能安。麥蘖有入脾化食之力。脾虛莫用。小麥有止汗養心之功。浮者爲佳。神麩消食。恐傷脾氣。百合止嗽。兼斂肺虛。連翹瀉六經之火。排卻瘡膿。大棗有健脾之力。中滿勿嘗。烏梅治便血。瘡痢兼用。竹瀝治痰壅。寒滯宜防。

夏禹錫曰。人參是凡間一種仙丹。不肯救度惡人。只肯救度



善類。若脾虛作瀉。胃虛發吐。心虛驚悸。肺虛作嗽。津亡作渴。氣虛失血。病久成慢。諸類用之。如入芝蘭之室。蓋善與善相親也。肺熱氣旺。風邪熱邪。燥邪火邪。諸類用之。如入鮑魚之肆。蓋邪正不肯並立也。凡今之人。因前庸手。悞用傷人。相沿視。爲鴆毒。不深可恨哉。臟有滯邪。不可遽用。邪去正衰。不可不用。遽用者傷人。不用者亦殺人也。後之君子。一能問經。夫悟作上乘禪師。斃囊普濟虛寒。不須淨上修因。卽井橋枝頭。杏林葉底。便結個花宮裏。天中天之大波羅蜜也。

幼  
科  
鐵  
鏡  
  
卷  
之  
六

幼科鏡鏡湯方

〔一〕天保采薇湯

羌活 前胡 半夏 陳皮 柴胡 赤芍 白茯苓 川芎

枳椇 厚朴 桔梗 蒼朮 升麻 葛根 合香 獨活

甘艸

〔二〕犀角解毒湯 治胎熱丹毒

犀角 赤芍 生地黃 白芷 甘艸 連翹 荆芥 防風

牡丹皮 木通

〔三〕導赤散 治夜啼

木通 生地 甘草 竹葉 黃芩

〔四〕大連翹飲 治胎熱等症

連翹 赤芍 歸尾 木通 甘艸 防風 荆芥

〔五〕理中湯 治胎寒等症

乾薑 白朮 甘草 人參 若加附子名附子理中湯。

〔六〕鈎藤膏 治內吊肚痛

乳香 沒藥 木香 姜蚕 其爲丸鈎藤湯下

〔七〕地黃茵陳湯 治胎黃

生地 丹尾 猪苓 天花粉 赤芍 赤茯苓 茵陳 澤

瀉 甘艸

〔八〕芍藥湯 治夜啼泄瀉

白芍 澤瀉 甘艸 大茴 薄荷 木香 茱萸 生薑

〔九〕六君子湯 治脾胃虛寒等症

陳皮 半夏 人參 白朮 甘艸 白茯苓 生姜大棗引。

〔十〕固真湯 治慢驚四肢冷不省人事

附子 甘艸 人參 山藥 黃耆 肉桂 白朮 白茯苓

姜棗引。

〔十一〕保元湯 治汗多寢慢驚

黃芪 人參 甘艸 生薑 三片 大棗 一枚 水煎服。

十二 姜半散 治吐不止將成慢驚

半夏 生姜 肉桂

十三 調脾湯 治脾疳

陳皮 白朮 丁香 人參 柯子 青皮 甘艸

十四 六味地黃丸 治腎疳

牡丹皮 熟地黃 白茯苓 山萸肉 酒蒸 白澤瀉 淮山藥

右為細末。煉蜜丸如桐子大。空心滾水送下。

十五 蘆薈丸 治丁奚哺露

蘆薈 人參 白朮 白茯苓 山藥 木香 陳皮 青皮

麥芽 神麴 當歸 各三 檳榔 兩個 麝香 少許

右爲細末。猪胆打麴糊爲丸。如麻子大。清水湯送下。

〔十六〕小異攻散 治先瀉後吐  
脾胃虛冷

人參 白朮 橘皮 白茯苓 姜棗爲引煎服。

〔十七〕黃連芍藥湯 治先吐後瀉

黃連 芍藥 猪苓 澤瀉 白茯苓 白朮 甘草

〔十八〕五苓散 治吐瀉

猪苓 白朮 白茯苓 澤瀉 肉桂

〔十九〕消導二陳湯 導痰消食健脾

陳皮 半夏 白茯苓 白朮 蒼朮 神麴 香附 砂仁

甘艸

〔三十六〕和湯 治暑瀉

陳皮 半夏 白茯苓 甘艸 黃連 厚朴 合香 香茹

加扁豆 木瓜

〔廿一〕胃苓湯 治長夏暑瀉

澤瀉 陳皮 白茯苓 猪苓 厚朴 白朮 甘艸 蒼朮

〔廿二〕助胃膏 治胃氣虛寒嘔吐



人參 白朮 白茯苓 甘艸 山藥 木香 丁香 合香  
砂仁

廿三 柯附丸 治飧泄

椰子肉 灶心土 黑附子 爲末。米糊丸。如粟米大。米湯下。

廿四 十六味兒丸 治脾胃虛弱

人參 白朮 白茯苓 山藥 薏米 芡實 蓮肉 甘艸  
陳皮 山楂 麥芽 砂仁 黃連 澤瀉 芍藥 連翹  
右爲末。蜜丸如彈子大。米湯下。

廿五 承氣湯 治裏急後重。腹痛。痢疾。

朴硝 大黃 枳實 厚朴

廿六 木香檳榔丸 治食積

黑五 檳榔 木香 神曲 大黃

右爲末。生姜汁糊丸。如粟米大。米湯下。

廿七 補中益氣湯

黃芪 人參 甘艸 陳皮 白朮 升麻 柴胡 當歸

廿八 四順清涼飲 治中焦熱

白芍 當歸 生地 甘艸 柴胡

廿九 人參敗毒散 治積毒嘔惡

柴胡 前胡 川芎 羌活 獨活 白朮 枳椇 桔梗  
甘艸 人參 生姜引。

〔三十四〕君子湯 治脾胃不調等症

人參 白朮 白朮 甘艸 姜棗引。

〔三三〕姜茶飲 治赤白痢

陳茶 生姜 黃蠟 鹽 車前葉

〔三二〕四獸飲 治虛癆

白朮 人參 白朮 草果 半夏 甘艸 陳皮 烏梅

姜棗引

三三八參養胃湯 治瘧寒多熱少

陳皮 半夏 茯苓 人參 蒼朮 厚朴 艸果 合香

姜引。

三四清瘧飲

柴胡 枳殼 青皮 半夏 白朮 黃芩 厚朴 猪苓

白茯苓 澤瀉 陳皮 甘艸 貝母 知母 全胡

三五隨用截方 加恒山草果檳榔姜引。係加在前單煎服。

三六參蘇飲

人參 蘇梗 桔梗 前胡 半夏 乾葛 陳皮 枳椇

杏仁 木香 甘艸 茯苓 姜引。

〔三七〕五子五皮飲

治腫脹

蘇子 山查子 蘿蔔子 葶藶子 香附子 桑皮 橘皮

大腹皮 茯苓皮 生薑皮

〔三八〕瀉黃散 治濕熱腫脹

赤茯苓 黃連 黃柏 黃芩 山梔 澤瀉 茵陳

〔三九〕瀉白散 治肺熱

甘艸 桔梗 陳皮 桑皮 地骨皮

〔四十〕四物湯 調益榮衛

川芎 當歸 熟地 白芍

四一 麥門冬飲 治吐血久不止

麥冬 黃芪 當歸 人參 生地 五味子

四二 清胃湯 治糞後見血

山梔子 生地 牡丹皮 黃連 當歸

四三 茵陳湯 治黃疸

茵陳 梔子 黃柏

四四 祛風散 治天柱骨倒

防風 甘艸 羌活 細辛 黃芩 白芷 薄荷 當歸

川芎一不

〔四五〕滋陰降火湯 治陰虛痰結

當歸一不 地黃一不 白芍一不 黃連一不 白茯苓一不 知母一不 天花粉一不 蓮子一不  
黑玄參一不 甘艸一不 麥冬一不 燈心引。

〔四六〕五淋散 治血淋

赤茯苓一不 赤芍一不 山梔仁一不 條黃芩一不 當歸一不 甘艸一不 燈心一不 子引  
〔四七〕清脾飲 治熱瘧或熱多寒少

青皮一不 半夏一不 黃芩一不 甘艸一不 白朮一不 白茯苓一不 柴胡一不 陳皮一不  
枳實一不 厚朴一不 姜棗引。

〔四八〕人參安神湯治心血不足 驚悸不眠

麥冬一不人參一不當歸一不黃連一不棗仁一不生地一不茯神一不白朮

〔四九〕安神湯治心血不足 驚悸

人參一不半夏一不棗仁一不茯神一不當歸一不橘紅一不赤芍一不五味子

一不甘艸一不姜引。

〔五〕寧心丸

麥冬五不寒水石一兩白茯一不甘艸一不牙硝一不山藥各五不

硃砂一兩龍腦一字

右爲末。煉蜜爲丸。如芡實大。每服半丸。砂糖水磨下。如慢症。



用人參白朮煎濃汁化下

〔五二〕肝疝丸

五靈脂一不夜明砂一不龍胆草一不天麻一不乾蟾頭一不全蝎一不個

蠟退一不川芎一不蘆薈一不黃連一不青黛一不防風

右爲末。猪胆汁浸爲丸。麻子大。每服十九。薄荷湯下。

〔五三〕化鑿丸 治肺疝

蕪荑一不青黛一不蘆薈一不川芎一不白芷一不胡連一不川連一不

蝦蟇灰各等分爲末。猪胆汁浸糊爲丸。麻子大。每服二十枚。

臨臥杏仁湯下。

〔五三〕**疳子丸** 治疳脹

蘿蔔子一兩 青皮不 陳皮不 檳榔不 赤茯苓不 黑牽牛不 莪朮不

五靈脂各五 木香減半

右為末。糊為丸。菜豆大。每服十五丸。桑皮。柴蘇煎湯。或蘿蔔湯下。

〔五四〕**五味二陳湯** 治夾暑傷寒吐瀉

陳皮不 半夏不 白茯苓不 甘草不 厚朴不 香茹不 黃連不 山查不

麥芽不 神曲不 木通不 澤瀉一不

〔五五〕**香茹飲** 治暑熱

香茹 厚朴 扁豆 黃連

五六清心蓮子飲 治溺血

麥冬 地骨皮 黃芩 甘艸 白茯苓 黃芪 柴胡 車前

石蓮肉 人參

五七瀉青湯 治顛填

羌活 川芎 梔仁 龍胆艸 當歸 防風各等分 大黃 咸半

竹葉引。

五八清金飲 治傷風嗽吐

前胡 杏仁 桔梗 桑皮 半夏 甘艸 旋覆花 薄荷

陳皮 水煎

〔五九〕小續命湯 治剛柔痲病

麻黃 人參 黃芩 川芎 芍藥 甘草 杏仁 防風

防己 肉桂 附子

〔六十〕芎蘇飲

川芎 蘇葉 陳皮 半夏 柴胡 桔梗 枳殼 乾薑

白茯苓 甘草

〔六十一〕瀉肝湯

車前 木通 生黃 歸尾 山梔 黃芩 龍胆 甘草

各五  
分

六二松蓋丹 治龜背

松花 枳椇 防風 獨活各一兩 麻黃 前胡 太黃 桂心

各五錢 爲末。蜜丸。黍米大。每服二十九。粥飲下。

六三寬氣化痰丸 治龜胸

大黃三分 杏仁 百合 木通 桑皮 甜葶力 天門冬

石膏各五錢 爲末。煉蜜丸。黍米大。食後臨臥。白熱水化下。

六四柴胡梔子飲

柴胡 山梔 白朮 川芎 白芍 當歸 丹皮 牛旁

甘艸等分。水煎。子母並服。

六五固腸飲 治久痢不止

木香 黃連 當歸 白芍 人參 白朮 白朮 白朮 甘艸

訶子肉。水煎。

六六屈膝散 治鶴膝

防風 薏苡仁 牛膝 苦參女便浸晒 何首烏男便浸晒 姜蚕

天花粉 荆芥蕙各五錢 肥皂核肉 一兩 鹿茸 五錢

共為粗末。每用三錢。同冷飯團四兩。牝猪油六錢。枯米。豉豆。各一撮。水四碗。煎至一碗。分作二次。溫服。

〔六七〕猪乳膏 治胎風胎毒

牛黃不硃砂各少許 治取猪乳調抹兒口中。

〔六八〕清暑益氣湯 治傷暑煩熱

黃芪不升麻不人參不白朮不陳皮不神曲不澤瀉不黃柏不

當歸不青皮不乾葛不五味不甘艸不 木煎服。

〔六九〕八珍湯

人參不白朮不茯苓不甘艸不川芎不當歸不熟地不白芍不

姜棗引。

〔七十〕藿香正氣散 治傷脾胃外感寒邪

合香不紫蘇不大腹皮不陳皮不桔梗不甘艸不茯苓不半夏不  
一不神曲不厚朴不白芷不薑棗引。

〔七二〕疏風順氣湯 治風寒發喘

紫蘇不乾葛不桑皮不前胡不麻黃不杏仁不甘艸不水煎服。

〔七三〕清肺湯

白朮不茯苓不陳皮不薄荷不南星不桑皮不細辛不甘艸不  
桔梗

〔七三〕備急方 治夜啼內用

煎葱湯。淋洗其腹。又用艾絨烘熱。包熨臍腹十數次。其痛漸愈。



〔七四〕蓮花飲

甘艸 知母 蓮花鬚 胡黃連 瓜蒌仁 五味子 人參

乾葛 白茯苓 生地 竹葉

〔七五〕參竹湯

麥冬 人參 竹葉 甘艸 半夏 小麥 粳米 陳皮

生薑

卷之六終

幼  
科  
鐵  
鏡  
卷之六

## 後記

《幼科鐵鏡》六卷，清·夏鼎撰。鼎字禹鑄，號卓溪，安徽貴池縣人。爲儒家世族，學識淵博，通岐黃術，尤精於兒科。自稱兩代濟人七十餘年，醫活嬰兒不下百千萬數。是書集其兩代治療小兒之經驗，不落前人因循之彙白，自成一家言。診病首重望色審竅，治療或用推拿，或用燈火，或用藥味，毫不拘泥，每多奇中。文字平實，頗切實用。書成初刻於康熙年間，代有翻印。迨至咸豐，因遭兵燹，書版無存，流傳漸少。光緒至宣統間，平湖沈應奎，貴池劉含芳、劉世等珩，均有校訂翻刻。雖訂正了不少原書訛誤，然擅改處亦多。故此重印，以同治年間黎照書屋本爲底本影印，並加以圈點，以便閱讀。雖版面略浸染，但因其刻印較早，稍近原貌。

後附校勘表，以正其訛誤。底本卷三及卷六末略有殘缺，以宣統刻貴池先哲遺書本補入共三頁。

李繼明

校勘表

頁數	行數	誤	正
目錄四	二	似驚風②	似驚風傷寒
	三	(似寒)	兼痢
	六	辨傷(風)寒	辨傷寒
目錄五	一	辨(失)血	辨諸血
九	九	不(而)	不爽
一三	五	⑨	治病不可關門殺賊說
一四	五	⑨	治病不可關門揖盜說
三七	四	(瞻)回	捨回
四八	九	(生菩崖)	一本作縱情慾
六一	二	消(道)	消導

			一九〇	一七二	一六九	一六七	一五四	一三三	八五	頁數	
			六	七	七	二	八	一	五	六	行數
			(全)胡	(拳)旗	製(粧)	(再入粉石)	(貴)	曲(愈)	二三(下)	肺(熱)	誤
			前胡	擎旗	製藝	四字衍	時	曲喻	二三劑	肺虛	正

[General Information]

书名=幼科铁镜

作者=

页数=208

SS号=10858707

DX号=

出版日期=

出版社=